

摘藻堂四庫全書薈要

史部

欽定四庫全書叢要

史部

宋史卷一百八十九至
九十一

詳校官編修臣王天祿



欽定四庫全書薈要卷五千八百十七

史部

宋史卷一百八十九

元中書右丞相總裁托克托等修

兵志第一百四十二

兵三 廂兵

廂兵者諸州之鎮兵也內總于侍衛司一軍之額有分隸數州者或一州之管兼屯數州者在京諸司之額五隸宣徽院以分給畜牧繕修之役而諸州則各以其事

屬焉建隆初選諸州募兵之壯勇者部送京師以備禁衛餘留本城雖無戍更然罕教閱類多給役而已景德四年七月如京使何士宗言詔條禁軍將士依等級並行伏事之理違者按軍令其廂軍將士等未立條制欲望約前詔減一等定令帝曰禁衛兵士無他役使且廩給優厚欲其整肅有所凜畏故設此條禁今以廂軍約此施行恐難經久況尊卑相犯自有條律不行可也十二月詔廂軍及諸州本城犯所部決杖訖並移隸他軍

內情理重及緣邊隨軍奏裁大中祥符元年詔應諸道
州府軍監廂軍及本城指揮自都指揮使已下至長行
對本轄人員有犯階級者並於禁軍斬罪上減等從流
三千里上定斷副兵馬使已上勘罪具案聞奏廂軍軍
頭已下至長行準敕犯流免配役並徒三年上定斷只
委逐處決訖節級已上配別指揮長行上名長行決訖
配別指揮下名收管如本處別無軍分指揮即配隣近
州府軍監指揮收管內別犯重者自從重法其諸司庫

務人員兵士有犯上件罪名者並依前項廂軍條例施行五年二月上諭王欽若等累議老病之兵漸多在京者令逐司將臣外處者散差諸司使副揀選可指揮所揀殿前侍衛馬步軍司令先逐指揮自指揮使已下據見管兵士除堪任披帶征役外其自來懦弱教閱不出之人及老病不堪者籍其名供申次第管轄處各就逐營看詳定奪然後繳申逐司與差去使臣同共揀選如有協情不當即具始末以聞其廂軍都指揮使已下並

當嚴斷外處揀就糧兵士亦如之又宣示外處就糧諸軍有捧日天武第七第九第十軍軍額皆是自上軍經兩三度揀選以其久處禁衛不欲便揀落特設上件軍額處之朕深慮揀兵臣僚軍頭等同諸軍例更揀配下軍可徧諭之老病者便放歸農內契丹渤海日本外國人恐無依倚特與收充本軍刺員又所差臣僚軍頭赴外處揀人緣軍分指揮及出入次第名目體例甚多令樞密院具合行條約及施行事件並畫一處分令遵守

施行又殿前侍衛馬步軍司自來揀下披帶禁軍量減
衣賜月糧充刺員並無定額散在逐營拘繫不獲營生
官中所給歲計不少可乘此時一例揀選除老病者放
歸農外據諸軍見管人數額定充看營刺員餘並撥併
一處收管以備令赴諸處祇應既有定額必不敢多揀
充刺員又詔承前遣使取內外軍中疲老者咸給奉糧
之半以隸刺員今可簡閱使歸農其合留者亦據逐營
給役數外別為營舍處之內契丹渤海日本外國人慮

無所歸且依舊仍令所至州郡並與總管鈐轄閱驗連書其狀具當去留之數及引視軍校之不任職者附驛以聞其當從隸軍額即就配近便州郡緣邊者徙于內地並與本州官吏移牒轉送當停者給與公驗止許居本州歲申上其籍並給次月奉糧裝錢日食遣之所簡馬但筋齒弱老病不療者件析以聞在京殿前馬步軍司有所升退即時具名籍申樞密院未當者悉改正之當徙者給裝錢在道只給糧當停者給一月奉糧勿復

奏裁外州軍士當降以次軍分者所隸州郡聽自擇又
詔廣南東西荆湖南北福建江南京西等七路諸州府
軍監見管雜犯配隸軍人等各差使臣一人馳驛往逐
處與轉運使副或提點臣僚知州通判鈐轄都監監押
同共簡選就近體量人數分配側近州軍本城收管如
年老病患委實久遠不任醫治充役者放令逐便其少
壯者即差人管押赴闕引見當議選配近上軍分如不
願量移及赴闕者亦聽其便仍於軍分量與遷改如地

遠勾抽遲延即馳驛分路簡訖具析以聞七年詔今後
軍回在京者且未編排依例引見內有老疾合配外處
軍分及看倉庫草場神衛刺員并看營刺員等與限歇
泊半月後編排引見訖限五日般移其外處軍迴經過
兵士並依此例引見訖與假十日令移隸所配處八年
詔諸路轉運司殿前侍衛馬步軍軍頭司三司宣徽院
開封府諸司庫務等處人員兵士等如內有殺賊得功
及諸般使喚得力者或因官中取索之時具詣實結罪

供申所轄去處保明申奏天禧元年詔選天下廂兵遷隸禁軍者凡五千餘人二年詔河北禁軍疲老不任力役者委本路提點刑獄臣僚簡閱不得庇匿以費廩糧慶厯中招收廣南巡海水軍忠敢澄海雖曰廂軍皆予旗鼓訓練備戰守之役皇祐中河北水災農民流入京東三十餘萬安撫使富弼募以為兵拔其尤壯者得九指揮教以武技雖廩以廂兵而得禁兵之用且無驕橫難制之患詔以其騎兵為教閱騎射威邊步兵為教閱

壯武威勇分置青萊淄徐沂密淮陽七州軍征役同禁
軍嘉祐四年復詔西路於鄆濮齊兗濟單州置步兵指
揮六如東路法於是東南州軍多置教閱廂軍皆以威
勇忠果壯武為號訓練如禁軍免其他役治平初遣使
分募河北河東西京東民為本城遇就糧禁軍闕即遣
補又陝西州軍悉置壯城如河北以備繕完城壘之役
景祐中本城四十三萬八千逮治平三年乃五十萬熙
寧三年五月詔以禁軍分五部法檢治廂軍其後禁軍

或降剝員或升補皆以備廂軍諸路力役之事間詔募增而京西轉運司所募多至三萬人陝西減額五千人亦至三萬人河朔流民寓京東者如舊制招募教閱以爲忠果二十指揮分隸河北總管司以除盜恤饑而河北及熙河路修城壘河北所募兵五千人熙河亦三千人修京城以廢馬監兵置廣固保忠凡十指揮亦五千人湖南徭人平戎瀘軍興洮河轉漕又皆增置焉初樞密院言京師役兵不足歲取於諸路而江淮兵每饑凍

道斃相屬畧計歲所用外軍七千人調發增給不資請募東西八作司壯役指揮諸司雜犯罪人情輕者並配隸以次補雜役効役代諸路役兵從之又言諸路廂軍名額猥多自騎射至牢城其名凡二百二十三其間因事募人團立新額或因工作權酤水陸運送通道山險橋梁郵傳馬牧隄防堰埭若此者事在而名未可廢及刺員直牢城皆待有罪配隸之人壯城專治城隍不給他役別為一軍而教閱廂軍亦自為額請以諸路不教

閱廂軍併為一額餘從省廢其移併如禁軍法奏可遂

下諸路轉運司以州大小高下為序始自某州為第一
指揮差次至某州凡為若干指揮每指揮毋過五百人
河北曰崇勝河東曰雄猛陝西曰保寧京東曰奉化京
西曰勁武淮南曰寧淮兩浙曰崇節江南曰効勇荆湖
曰宣節福建曰保節廣南曰清化川四路曰克寧八年
詔忻代州諸砦以禁軍代廂軍元豐四年詔升南京青
鄆鄧曹濟濮州有馬教閱廂軍及真定府北砦勁勇下

環州蕃落未排定指揮並為禁軍五年三月以西邊用兵詔諸處役兵並罷令諸路轉運司剋剗京東西河東北淮南廂軍又令都水監刷河清及客軍共三萬餘人赴陝西團結十月詔諸路教閱廂軍於下禁軍內增入指揮名額排連並同禁軍於是馬步排定有馬廂軍二十二指揮無馬廂軍二百二十九指揮元豐之末總天下廂兵馬步指揮凡八百四十其為兵凡二十二萬七千六百二十七人而府界及諸司或因事募兵之額不

與焉哲宗元祐二年太師文彥博言廂軍舊隸樞密院
新制改隸兵部且本兵之府豈可無籍樞密院亦以為
言乃詔本部自今進冊以其副上樞密院三年詔京西
路廂軍以三萬五百人為額又詔天下州郡以地理置
壯城兵元符元年詔罪人應配五百里以上皆配陝西
河東克廂軍諸路經畧司各二千人止三年詔撥陝西
保寧指揮入諸路廂軍額崇寧四年詔諸路廂軍不以
等樣選少壯人招刺又詔廂軍工匠除上京修造外其

餘路所差並放還休息之政和五年廣固四指揮各增
五百人以備京城之役六年三月增置通濟兵士二千
人備御前牽挽綱運於是工役日興增募益廣矣建炎
而後兵制靡定逮乾道中四川廂軍二萬九百七十二
人禁軍二萬七千九百九十二人厥後廢置損益隨時
不同撫其可考者以附見焉其將校則有馬步軍都指
揮使有副都指揮使都虞候馬軍有都指揮使副都指
揮使都虞候步軍亦如之馬步軍諸指揮使有指揮使

副指揮使每都有軍使副兵馬使都頭副都頭十將
虞候承局押官凡諸州騎兵步兵禁廂兵之類敘列如
左其不同者分為建隆以來及熙寧以後之制云

建隆以來之制

馬軍騎射

京東路南京青兗鄆曹徐齊濰淮陽○京西

路西京河陽陳許鄭潁滑○河北路北北京真

定滄瀋相恩冀

○陝西路永興鳳翔河中陝華秦涇廊

○荆湖路江陵潭鄂岳復安澧鼎永道郴邵桂陽內青

淮陽係

威邊

京東路南北京青鄆密徐曹齊濮濟淄登萊

教閱

沂單內登係教閱

○京西路西京河陽鄭

蔡襄鄧滑潁汝郢均商隨唐信陽光化○河北路瀛相

邢祁濱霸磁衛趙莫沼乾寧廣信通利○河東路澤遼

○陝西路永興鳳翔河中陝同華耀乾
解號○淮南路毫廬宿○荆湖路安

昭武

南京

肅戎

曹單勇

安武

鄆

必敵

鄆

決勝

濟

飛勇

棣

靜山

宜

勇

敢沂

定邊

蔡徐

馬鬪

永興

安東

登

突陣

延定

廳直

濟滄

莫保

雄霸

保勝

廊光

歸恩

鳳

定戎

涇

安塞

環

游弈

許

衙隊

曹

德永靜永
隴儀峽

武勝

濠

保忠

滑

輕騎

邢

順節

真

敢勝

深

飛塞

環

保節

陝西路

本城馬軍

廣

必勝

慶

定塞

河北路

勁勇

真定北砦

下藩落

環外砦

武清

晉自此至招收凡

飛騎

十一軍兩朝志無

飛騎

麟

振邊

儀

威遠

府

本城廳子

定

克戎

并

清邊

陝

忠烈

北

河

鄉兵名神銳後改是軍舊制老病者聽召人承補歸農承補者逃亡復取歸農者充役大中祥符四年詔罷之

無敵

保安肅廣信

忠銳

廣濟招收

河北河東舊又有定州中廳子易州靜塞并

州咸平

飛將

北京毫自此至揀中騎射凡三軍三朝志無

保靜

恩揀中騎射

淮南路揚廬壽宿泗真蘄黃濠光海和通舒滁連水高

郵無為○江南路宣撫江吉筠袁歙太平池饒信廣德

南康南安建

步軍武和

開封武肅

忠靜

開封威勇

定真定冀滄雄

昌臨江興國

博深乾寧內青鄆淄

左衙

南京鄆晉

平難

毫奉化

京西

密濟沂淮陽係教閱

耀陝通安

陝西路鳳翔○淮南路揚

許陳蔡滑○河北路懷

真泗滁無為連水高郵

衙

毫廬壽宿濠和通泰楚舒真泗滁無為連水高郵

許陳蔡滑○河北路懷

真泗滁無為連水高郵

隊峽開武

曹

保寧

濟

開遠

揚楚泗

安平

齊

靜邊

棣

六奇

衛

開

遠

齊

利

劍

安

平

靜

邊

六

奇

楚問

秦·西京

武勇

秦 灘

懷安

秦

建安

府解

静海

徐淮
揚通

隨身

宿隨

唐宗順

階青

忠畧

溜

安海

登

水軍

保京

東路
德○

陝登

西○

淮南路揚廬壽先海和秦楚舒蘄黃泗連水高郵無為

○江南路江寧洪袁虔宣歙饒信太平池江吉筠撫興

國臨江南康廣德○兩浙路州軍○荆湖路江陵潭衡

永柳邵鄂岳復安澧峽鼎歸漢陽桂陽○福建路福建

漳泉邵武○利州路興○廣南路寧齊菜永安西耀武

廣英賀封連康南雄春廉白邕

河陽鄧楚橋首鄭雄猛絳定安河開河河

秦寧華 木立壽興 月立 方方 久之 中 中

定遠

復鳳

定邊

涇

壯武

淮京

東陽路

青徐
京西

曹充
路西

密灘

濟濮
秦鄧寧

菜 菜

汝先化○陝西路鳳翔河中同耀華乾解陝西安○淮

南路揚廬壽黃光海和通蘄楚秦舒滁高郵○荊湖路

潭岳安復內充

徐濟萊係教閱

寧淮

忠順

宗寧

澄海

韶循潮

連梅南

雄英賀封端南恩春惠桂容邕象昭龔蒙得貴橫融化

雷寶南儀白欽鬱林廉崖僖內廣廉高藤梧英賀新蒙

龔僖係

保定

均信

懷寧

定真定

宣節

荆湖南路諸州軍

監北路岳澧鼎郢

教閱

陽

荆門

步捷

全

崇化

廣平

勇勝

清邊

永興延渭廊

諸監

化

號

安

開廣

同建武

密廊

永清

丹

昭勝

永寧

永霸

澤

弓

箭

秦

順安

慈

順霸

宗勇

成

肅清

乾

懷節

澶

霸

北

興安

北

制戎

冀

雄銳

真

定

定

壩

威勝

定和

定

保順

滄

清遠

雄

克勝

瀛滄莫

寧邊

乾

平定

定

保順

滄

清遠

雄

克勝

瀛滄莫

寧邊

乾

開邊

霸

北

興安

北

制戎

冀

雄銳

真

定

定

壩

威勝

定和

定

保順

滄

清遠

雄

克勝

瀛滄莫

寧邊

乾

平定

定

保順

滄

清遠

雄

克勝

瀛滄莫

寧邊

乾

開邊

威勝

定和

定

保順

滄

清遠

雄

克勝

瀛滄莫

寧邊

乾

平定

定

保順

滄

清遠

雄

克勝

瀛滄莫

寧邊

乾

開邊

平靜勝揚寧順盧旌勇壽備邊泗三捷源寧化舒保勝

光懷仁蘄武雄江陵步驛襄江陵荆門循賀克寧成都路成

邛嘉綿陵彭眉梓州路戎榮普資梓合廬遂渠昌果懷

安廣安利州路興元洋利龍劍蓬壁文興安德三泉夢

州路夔渝涪萬達威棹荆湖路江陵歸峽○成都路成

開施忠雲安大寧都嘉眉簡梓州路諸州軍利州

路劍安德夔州懷遠興保節河北路定真定滄藏相邢

路渝涪萬雲安懷遠元保節沼冀祁德濱保雄磁博趙

深懷衛順安通利信安保定肅永定靜邊○河東路太

原晉絳汾遼澤石路慈麟府憲代忻隰威勝奇嵐火山

保德平定○陝西路永興秦邠寧廊延環慶涇儀丹隴

坊鎮戎德順○淮南路舒○江南路洪虔江池饒信太

平吉筠袁撫興國○福建路汀南懷信利廣塞興元順

劍○荆湖路鄂○利州路龍利

化興効勇

江寧廣德

裏運

江寧

貢運

饒

水運

潭泰臨江

廣濟

京城上

壽揚宿高郵

宗節

兩浙路杭越蘇湖溫台衢婺處睦秀

連水通利

寧塞

太原汾遼石代忻

牢城

河北河東陝西淮南京東西江南

汝處昭保安不置

羅城

咸

水軍奉化

京畿諸縣泰泗

船坊

明潭鼎

渡船都

潭

橋閣

龍劍文三泉

採斫

處衢溫

梢工都

洪楚真

防河

咸

捍江都

杭

船務

杭婺

巡海水軍

廣

雜作都

壽

本城

曹秀常山南

勁

勇

邢太原嵐汾遼澤潞晉憲代忻隰奇嵐

裝發

真泗楚

寧海瓊

西懷化

許

新招靜江

邕

南懷化

許

防城

泗

水軍

橋道

泗

刺員直

亳

清化

桂容邕象昭梧藤龔蒙貴柳宜賓融化寶高南儀白欽鬱林廉

瓊

江橋院

明

肅寧城

寧

宗勝

真

璇手

明

揀中宣節

潭

澧

採造

西京

堰軍

長安京口

裝卸

南京

中軍將

汀

宣武

大

名

秦明

真定

順節

磁

此

下

至

新

立

本

城

凡

七擒

單

安化

濱

武順

懷

衛

三十八軍天聖後無

平海

登

英武

廊

長劍

滑

長寧

衛

德勝

相

保安

博

興化

定勇

深

安勝

通

霜水

夔

興造

衡

水路都

江

山塲

寧

斫軍

本城馬軍

廣

河東

真

本城

刺員

諸州

蕃落

慶

都寶

寶

睦

發

睦

水軍

容

新水軍

全

武定

陝西

晉

定塞

北

舊水軍

荆湖

江

南

兩浙

淮南剽員復下浮橋京西東南道巡海水軍教閱澄海棹

手常慶成慶成軍梅山洞剽員丹捉生延河清河陰宣勇

河北河東本鄉保毅秦鄉新立本城曹奉先會聖宮永

兵舊名忠勇至酒務雜役凡六十軍天聖以後置六軍京師御營喝探京棟中京憲務京看

船廣德京棟中剽員雍丘陳留右衙南京徐鄆曹靜海

徐淮陽通歸定河驍勇邠感順慶拓邊環宣猛威靜江京西

蔡郢江南路南安荆湖路江陵潭岳鼎衡永郴全

容邕象昭梧藤龔蒙潯貴柳融宜賓橫三畧陳靜深擄

化賓高雷欽鬱林廉瓊利州路利

克勝

瀛滄莫保定

武捷

鳳翔秦鳳廊延涇原儀滑邠寧階坊丹晉絳隰慈

車軍

真楚常

會通橋道

西京

司牧

永興秦階原德順

鹽車

秦真

新招梢工

真泗

拔頭

水軍

泗

造船軍匠

吉

樓店務

杭

造船場

廣

駕網水軍

廣

建安

解

省作院

邠

雄勇

火

屯田

保

清務

杭蘇婺溫潭

靜淮

蔡

捍海

通泰

船坊鐵作

潭

揀中

曹

壯城

京東路青密濰登沂濮萊淄

○京西路西

京蔡汝○河北路諸州軍○河東路太原遼澤晉絳潞

汾石慈麟府憲代忻隰嵐寧化保德火山威勝奇嵐○

陝西路永興河中涇原儀滑廊慶陝耀

坊華丹同隰解鎮戎德順○江南路洪

遼石慈

馬監

北京大名相安陽洺廣平衛淇水鄆東

城

面

廣端惠循英春賀
梅連康新封白潮

戰棹

欽廉

遞角場

雷

安遠

桂

作院

丹儀

色役

環

雜攢

代

作院工匠

太原

咸平橋道

永興

運錫

循

水磨

鄭

東西八作

西京

窯務

西京

鼓角將

潤荆門

錢監

江

鐵木匠營

池酒務營

池

竹匠營

池

酒務雜役

江寧

諸司庫務清河馬

遞鋪等役卒

東西八作司

廣備雜役
効役壯役

牛馬司御輦院

軍器庫後苑造作所後苑工匠文思院內弓箭庫南作

坊北作坊弓弩院法酒庫西染院綾錦院裁造院修內

司翰林司儀鸞司事材場四園苑玉津園養象廣德金

明池雜役鞍轡庫醴泉觀萬壽觀集禧觀禮賓院駝坊
內酒坊右宣徽院轉補分隸三司提舉司

河清街道司隸都水監

後苑御弓箭庫作坊物料庫後苑東門藥庫內茶紙庫
御廚御膳廚供庖務內物庫外物料庫油庫醋庫都監
院物料庫西水磨庫東水磨務大通門水磨磁器庫都
茶庫內衣庫朝服法物庫祗候庫權貨務內藏庫左藏
庫布庫奉宸庫尚衣庫內香藥庫退材場東西窯務竹

木務左右廟店宅務

修造

諸倉

修造

下卸司

東西排岸

司

廣濟

左右街司左右金吾仗司西太一宮鑄瀉務開封府步

驛致遠務車營務諸門并府界馬遞鋪分隸三司提舉

司開封府

熙寧以後之制

河北路騎軍之額自騎射而下十有二步軍之額自奉

化而下二十有六並改號曰崇勝凡一百一十二指揮

二萬九千二百七十人橋道

澶

壯城牢城

諸州

馬監

北京相州

安陽洺州廣

騎射

北京真定滄

威邊

瀛相邢祁濱磁衛

平衛州洪水

澶相恩冀棣

威邊

趙莫洺乾寧廣信

通利飛將

北飛勇

棣

突陣

懷廳直

瀛滄雄霸

衛隊

德永

保

靜

恩

輕騎

邢

順節

真

敵勝

深

定塞

定真定冀滄

雄博深乾寧

奉化

懷

寧七年京東河北置揀中廂軍

靜邊

棣

耀武

定

懷節

澶

懷衛濮各二德博棣齊各一

廣霸

北

制戎

冀

雄銳

真

定擄

深

靜擄

趙

定和

定

保順

滄

清遠

雄

克勝

瀛滄

莫

保節

定真定滄瀛相

邢洺冀祁德

濱保雄磁博趙深懷衛順安

宣

安

通利信安保定

安肅永定永靜

懷寧

定真

勁勇

邢元豐四年升為定

府北砦勁勇為禁軍

宣

安

武

師置第十三至第十五三指揮

威勇

滄

崇勝

真定熙

寧七年

宣

宣

宣

京東河北置揀中廂軍懷

肅寧

肅城廣濟通利熙寧八年

濮各一德博棣齊各二

罷所差

客軍

屯田

保

寧邊

乾寧

疆壯

邢

宣勇

瀛滄懷冀

廣威

元符元年詔河

北路大名府二十二州軍創置馬

步軍五十六指揮馬軍以廣為名

河東路騎軍之額自威邊而下二步軍之額自左衛而

下十有八並改號曰雄猛凡五十二指揮一萬二千四

百一十人本城

火

牢城

諸

州壯城

太原

遼澤

晉絳

潞汾石

慈麟府憲代忻熙嵐寧

化保德火山

威勝奇嵐

雜攢

代

作院工匠

太原

威邊

澤

保勝

嵐

左衛

右衛

晉

水軍

潞保

雄猛

絳

永寧

潞

永霸

澤

弓箭

晉

順安

慈勝順霸隰宣猛威招收汾遼澤石路慈麟府憲勁勇太原嵐汾遼澤開邊平保節

太原晉絳汾遼澤石路慈麟府憲

代忻隰威勝奇嵐火山保德平定

奇嵐平定晉絳寧塞太原汾遼廣濟壽揚熙寧八年以六分為

寧化威勝隰慈武捷晉絳寧塞石代忻

額減諸路所晉絳路汾遼石慈

差防河客兵代忻澤威勝平定

陝西路騎軍之額自騎射而下有六步軍之額自左衙

而下二十有九並改號曰保寧凡一百一十一指揮二

萬五百六十三人開山秦關河河司牧永興秦階省作

院邠壯城永興河中涇原儀渭鄜慶陝耀牢城諸馬監

坊華丹同隴乾解鎮戎德順

同州儀丹作院色役環咸陽橋道永興鳳翔河中騎射永興鳳翔河中

威邊永興鳳翔河中昭武河中必敵陝定邊涇馬鬪永興突

陣乾延同廳直華保勝廊歸恩鳳翔定戎涇安塞環衙隊隴

飛砦環必勝慶保節永興秦邠寧廊延環慶涇左衙陝

右衙陝保寧渭熙寧七年詔係役廂禁軍自今權免役

三千人專備熙河修城砦元豐五年蘭州置二紹興三

年熙河增置四又於涇原創置十元符三年十月詔撥

陝西路保寧指揮入廂軍隨身崇順階水軍秦陝熙

額從知渭州章案請也

鎮洮置一崇寧三年鄣

州及龍支城各置二

耀武寧定安河奉化鳳翔廣平號

勇勝永興延渭廊興清遠慶涇儀保安開廣同建武廊昭勝坊弓箭

秦宗勇成肅清乾寧遠鳳壯武鳳翔河中同耀驍勇邠

感順慶拓邊環宗節成武捷鳳翔秦鳳廊延涇原威勇

河採造秦元豐四年通建安解

京東路騎軍之額自騎射而下有三步軍之額自左衛

而下有七並改號曰奉化凡五十四指揮一萬四千七

百五十人壯城青密灘登馬監鄆州裝卸南牢城諸騎

射南京青兗鄆威邊南京青鄆密徐曹昭武南肅戎曹

單勇

單安武

齊鄆

必敵

鄆

決勝

濟

靜山

克

勇敢

密

沂元符

增置二百人

定邊

徐

安東

登

衙隊

曹

左衙

南京

右衙

南京

徐

濟開武懷化

曹

保寧

開遠

濟

安平

齊

武勇

離

靜海

徐

淮

崇順

青

忠略

安海

水軍

登

寧濟

萊

建武

密

壯武

青

密濰齊濮

崇武

濮

崇寧三年

詔於京西東河東北開封

府界創置馬步軍五萬人

步軍以崇武

為名

大觀四年詔四輔州

闕額於崇武等軍內撥填

本城

曹

京西路騎軍之額自騎射而下六步軍之額自奉化而

下二十有五並改號曰勁武凡四十五指揮一萬五千

一百五十人橋道

河陽

開道

鄭

步驛

襄

會通橋道

京西

採造

京西牢城

諸州

壯城

西京

蔡汝

馬監

許州

單鎮

鄭州

原武

西京

洛陽

三水磨

鄭

東

西八作

西京

騎射

西京

河陽

陳

威邊

西京

河陽

鄭

蔡襄

鄧

許

陳

懷化

信陽

定邊

蔡

游弈

許

鄭

衙隊

陳

保忠

滑

奉化

鄭

許

陳

蔡

懷化

許

開山

西京

隨身

隨

永安

西京

耀武

河陽

歸定

河陽

壯武

西京

陳

蔡

懷化

鄧

襄

穎

靜江

陳

蔡

三畧

陳

寧淮忠順

穎

宗寧

汝

澄海

襄

汝

澄海

保定

均

信

懷寧

房

宣節

鄧

宗化

光

長劍

滑

西懷化

許

防

防

防

城

均

威勇

西

廣濟

陳

靜淮

蔡

淮南路騎軍之額自威邊而下六步軍之額自左衙而

下二十有七並改號曰寧淮凡一百二指揮四萬一千

二百八十五人橋道壽水運泰梢工都楚雜作都壽裝

發真泗楚水軍橋道泗車軍真楚鹽車泰新招梢工真拔

頭水軍泗牢城諸裝卸毫刺員直毫永威邊毫廬飛將

毫馬鬪宿保勝光武勝泗揀中騎射揚廬壽毫宿泗真

舒徐連水左衙通平難毫奉化揚毫廬壽宿濠和通泰

高郵無為高郵楚六奇楚武勇泰懷安泰靜海通隨身宿水

郵開遠泗

軍揚廬壽光海和秦楚舒真耀武秦壯武揚廬壽黃光

泰舒淞

寧淮忠順旌勇

壽

靜勝

揚

寧順

廬

備邊

泗

三捷

高郵

淞

寧化

舒

保勝

光

懷仁

蘄

保節

舒

廣濟

宿海

秦通泗高

郵

連水熙寧八

年以六

水軍奉化

泰

捍海

通

泰

分為額

兩浙路步軍之額自捍江而下三並改號曰宗節凡五

十一指揮一萬九千人水軍

諸州

船坊

明

船務

杭

車軍

常採造

明

樓店務

杭

江橋院

明

堰軍

張安京口

清務

杭

蘇

溫捍江

杭

本城

秀

鼓角將

潤

江南路騎軍之額揀中騎射一步軍之額自効勇而下

五並改號曰効勇凡五十三指揮一萬六千六百五十

人水軍

江寧洪虔宣歙饒信太平池江吉筠撫興國臨江南康廣德

裏運

江寧

貢運

饒

水運

臨江

梢工都

洪

造船軍匠

吉

步驛

江寧

牢城

諸州軍

壯城

下卸錢監

江

鐵木匠營酒務營竹匠營

池

酒務雜役

揀中騎射

宣撫江吉筠袁歙太平池饒信廣德南康南安建昌臨江興國

効勇

江寧廣德

本城

南安靜江南安崇寧二年七月召募

武威

江寧

保節

洪虔江池饒信太平吉筠袁撫

國興

荊湖路騎軍之額自騎射而下三步軍之額自左衛而

下二十並改號曰宣節凡四十四指揮一萬一千三百

人步驛

荊門

水軍

潭

船坊

潭

渡船都

潭

清務船坊鐵作

潭

騎射

江陵潭鄆岳安澧復

威邊

安

衙隊

陝

左衙

安

水軍

江陵潭衡永柳鄆鄂岳復

寧遠

復

壯武

潭岳

靜江

江陵

潭岳

鼎衡永

三略

鼎

寧淮

澧

宗寧

岳

澄江

辰

宣節

南路

諸州

岳澧鼎荆門諸監熙寧七年九月沅置一大觀元年靖置一

步捷

全

威棹

江陵

保節

鄆

宗節

潭

威勇

安

牢城

諸州

中軍將

潭

揀中

澧

揀中宣

節潭潭鼓角將門荆

福建路步軍之額自水軍而下三並改號曰保節凡三

十三指揮一萬一千一百五十人水軍福建漳保節建

劍南崇節福泉興化

廣南路騎軍之額自靜山而下二步軍之額自水軍而

下十並改號曰清化凡八十二指揮一萬二千七百人

步驛循賀封梅康造船場廣駕網水軍廣城面廣端專

賀梅連康新封白潮遞角場雷運錫循牢城諸靜山宜本城馬軍

廣水軍

廣惠英賀封連康南雄春廉白邕

靜江

廣韶循潮連梅南雄英賀封端新康春惠桂容

邕象昭梧藤龔蒙潯貴柳宜賓

澄海

韶循潮連梅南雄英賀封端南恩春

橫融化賓高雷欽鬱林廉瓊

惠桂容邕象昭龔蒙潯貴柳賓橫融化雷賓南

巡海水

儀白欽鬱林廉崖儋並於配隸中選少壯者

軍廣本城

寧海

瓊崇寧四年廣南西路經畧司請置刀牌手三千人於桂州置營候教閱

習熟分

新招靜江

邕

清化

桂容邕象昭梧藤蒙龔潯貴柳宜賓橫融化賓高南儀雷

戊諸州

白欽鬱林

戰棹

欽

安遠

桂崇寧元年十月詔川陝招揀足額

廉瓊儀

四川路步軍之額自開遠而下十並改號曰克寧凡一

百一十一指揮二萬三千四百人

自河北路至此凡改號指揮人數並因元

豐以前其後增

改各隨軍額

橋道

興橋閣

龍劍文三泉

防河羅城

成都

牢城

益梓

開遠

利劍

水軍

興

靜江

利

懷遠

興元

廣塞

興元

克寧

成都

利夔

蜀漢雅邛嘉綿陵彭眉簡戎榮普資梓合瀘遂渠昌果

懷安廣安興元洋利龍劍蓬壁文興安德三泉夔渝涪

萬達開施忠

雲安大寧

威棹

成都

嘉眉簡梓州路諸州

懷信

利

順

萬雲安

懷信

利

順

雲安

懷信

利

順

化

興

本城

梁山

武寧

元豐七年詔成都府減廢武

寧第八指揮置馬軍騎射一

寧

第八

指揮

置馬

軍騎

射一

寧

第八

指揮

置馬

軍騎

侍衛步軍司宣効揀中宣効揀中六軍武嚴左右龍武

軍左右羽林軍左右神武軍左右武肅武和忠靖神衛

刺員軍頭司備軍諸司庫務河清馬遞鋪等役卒朝服

法物庫籍田司隸太常寺

東西作坊作坊物料庫東西廣備皮角庫隸軍器監
車營致遠務養象所左右騏驎院左右天駟監牧養上
下監鞍轡庫駝坊皮剝所御輦院隸太僕寺

文思院綾錦院西染裁造院隸少府監

軍器衣甲庫儀鸞司左右金吾仗司左右街司六軍儀
仗司軍器什物庫隸衛尉寺

河清街道司隸都水監

修內司東西八作司竹木務東西退材場事材場東西
密務作坊物料庫隸將作院

御廚翰林司牛羊司法酒庫內酒坊外物料庫醋庫油
庫隸光祿寺

左藏庫布庫香藥庫都茶庫左右廂店宅務修造權貨
務祇候庫隸太府寺

修倉司四園苑都水磨排岸司裝卸金明池雜役隸司
農寺

醴泉觀萬壽觀集禧觀西太一宮禮賓院隸鴻臚寺

廣固隸修治京城所

孳生監隸樞密院

府界諸門馬遞鋪隸尚書駕部已上並元豐以前所隸
後皆因之

建炎後禁廂兵

威果

安吉嘉興杭平江常嚴鎮江紹興慶元溫台婺處隆興江寧國

南康潭永衡道邵武建寧南劍全福興化漳州

全捷

中興立杭婺安吉平江泉鎮江紹興慶元寧國寶慶

福雄節

杭安吉嘉興平江常嚴溫鎮江紹興江陰慶元台婺處

武衛

鎮江紹興溫婺潭

威

捷

杭溫鎮江

雄捷

中興立

威勝

中興立寶慶慶元

翼虎

中興立隆興

雄略

中興立吉潭永衢隆興全福廣容

忠節

中興立隆興撫臨江寧國江建昌興國南康

武

雄

撫隆興江建昌吉興國南安袁臨江寧國南康

靖安

中興立全寶慶

靜江

桂陽郴衡道全

廣

節

中興立邵武福漳建寧南劍興化汀

廣二廣三指揮

中興立泉

親効

中興立廣

澄

海

廣循連南雄封英德南恩惠潮藤容賀德慶昭高欽雷

建炎後廂兵

武嚴宣効壯役

中興立

備軍

中興立

神衛刺

員

隸侍衛步軍中興隸廂軍

廣豐倉刺員

中興立

廣効

中興有揀中廣効在廣効上

御營喝探

中興在京師

武和

開封一指揮中興左右二指揮在京

武肅

中興在京師

忠靖

一指揮開封屬步軍

奉化

屬步軍三指揮中興有

勁武

在京崇

勝

一指揮中興有揀中宗勝在宗勝上

雄猛

一指

保寧

中興有揀中保寧在保寧上

寧

淮

中興在淮南

捍江

杭

宣節

中興在寶慶潭永武岡柳衡全桂陽靖道沅

効勇

中興

江東

保節

中興五

克寧

中興四川

寧江

中興立一指揮

清化

中興廣西

牢

城

諸州以待有罪配隸人

宗節

中興杭安吉平江江陰常嚴鎮江溫慶元台婺江東西

開江

中興

橫江

中興平江杭

寧節

中興台福寧國建寧靖

清務

中興婺

山場

中興

婺

効勇

中興隆興撫贛建昌興國南安袁吉臨江寧國南康

靖安

中興立潭永常德

靜江

二指

威果

見禁

雄略

中興四

澄海

中興武周全

豐國監

中興立建

寧

駕網

立中興

長運

立中興

修江

立中興

都作院

立中興

小作

立中興

立清湖閘

立中興

開湖司

立中興

北城堰

立中興

西河廣濟

立中興

立樓店務

立中興

長安堰閘

立中興

壯城

帥府望

鼓角匠船

立中興

務

立中興

宋史卷一百八十九

宋史卷一百八十九考證

兵志三克寧注成都路成都蜀漢雅邛嘉綿陵彭眉梓
州路戎榮普資梓合廬遂渠昌果懷安廣安○廣興
記雅作雅廬作瀘

騎射注永興鳳翔河中陝華陳涇廊○

臣開鼎

按陳隸

京西不隸陝西當依建隆騎射注作秦為是

衙隊注陝○

臣開鼎

按荆湖路不得有陝應依建隆之

制作峽

宋史卷一百八十九考證

欽定四庫全書薈要卷五千八百十八

史部

宋史卷一百九十

元中書右丞相總裁托克托等修

兵志第一百四十三

兵四

鄉兵一

陝西保毅

河北忠順

河北陝西強人砦戶

河北河東強壯

河東陝西弓箭手

河北等路弓箭社

鄉兵者選自戶籍或土民應募在所團結訓練以為防

守之兵也周廣順中點秦州稅戶充保毅軍宋因之自建隆四年分命使臣往關西道令調發鄉兵赴慶州咸平四年令陝西係稅人戶家出一丁號曰保毅官給糧賜使之分番戍守五年陝西緣邊丁壯充保毅者至六萬八千七百七十五人七月以募兵離去鄉土有傷和氣詔諸州點充強壯戶者稅賦止令本州輸納有司不得支移之先是河北忠烈宣勇無人承替者雖老疾不得停籍至是詔自今委無家業代替者放令自便自是

以至天禧間并代廣銳老病之兵雖非親屬而願代者
聽河北彊壯恐奪其農時則以十月至正月旬休日召
集而教閱之忠烈宣勇廣銳之歸農而闕員者並自京
差補戍於河上而歲月久遠者則特為遷補貧獨而無
力召替者則令逐處保明放停當是時河北河東有神
銳忠勇強壯河北有忠順強人陝西有保毅砦戶強人
強人弓手河東陝西有弓箭手河北東陝西有勇義麟
州有義兵川陝有土丁壯丁荆湖南北有弩手土丁廣

南東西有槍手土丁邕州有溪洞壯丁土丁廣南東西
有壯丁當仁宗時神銳忠勇彊壯久廢忠順保毅僅有
存者康定初詔河北河東添籍彊壯河北凡二十九萬
三千河東十四萬四千皆以時訓練自西師屢衄正兵
不足乃籍陝西之民三丁選一以為鄉弓手未幾剋充
保捷為指揮一百八十五分戍邊州西師罷多揀放焉
慶厯二年籍河北彊壯得二十九萬五千揀十之七為
義勇且籍民丁以補其不足河東揀籍如河北法其後

議者論義勇為河北伏兵以時講習無待儲廩得古寓
兵於農之意惜其束於列郡止以為城守之備誠能令
河北邢冀二州分東西兩路命二郡守分領以時閱習
敵至即兩路義勇翔集赴援使其腹背受敵則河北三
十餘所常伏銳兵矣朝廷下其議河北帥臣李昭亮等
議曰昔唐澤潞留後李抱真籍戶丁男三選其一農隙
則分曹角射歲終都試以示賞罰三年皆善射舉部內
得勁卒二萬既無廩費府庫益實乃繕甲兵為戰具遂

雄視山東是時天下稱昭義步兵冠於諸軍此近代之
顯効而或謂民兵祇可城守難備戰陣非通論也但當
無事時便分義勇為兩路置官統領以張用兵之勢外
使敵人疑而生謀內亦搖動衆心非計之得姑令在所
點集訓練三二年間武藝稍精漸習行陣遇有警得將
臣如抱真者統馭制其陣隊示以賞罰何敵不可戰哉
至於部分布列量敵應機繫於臨時便宜亦難預圖况
河北河東皆邊州之地自置義勇州縣以時按閱耳目

已執行固無疑詔如所議治平元年宰相韓琦言古者
籍民為兵數雖多而贍至薄唐置府兵最為近之後廢
不能復今之義勇河北幾十五萬河東幾八萬勇悍純
實出於天性而有物力資產父母妻子之所係若稍加
練簡與唐府兵何異陝西嘗刺弓手為保捷河北河東
陝西皆控西北事當一體請於陝西諸州亦點義勇止
涅手背一時不無小擾終成長利天子納其言乃遣籍
陝西義勇得十三萬八千四百六十五人是時諫官司

馬光累奏謂陝西頃嘗籍鄉弓手始諭以不去鄉里既而涅為保捷正兵遣戍邊州其後不可用遂汰為民徒使一路騷然而於國無補且祖宗平一海內曷嘗有義勇哉自趙元昊反諸將覆師相繼終不能出一旅之衆涉區脫之地當是時三路鄉兵數十萬何嘗得一人之力議者必曰河北河東不用衣廩得勝兵數十萬閱教精熟皆可以戰又兵出民間合於古制臣謂不然彼數十萬者虛數也閱教精熟者外貌也兵出民間者名與

古同而實異蓋州縣承朝廷之意止求數多閱教之日
觀者但見其旗號鮮明鉦鼓備具行列有序進退有節
莫不以為真可以戰殊不知彼猶聚戲若遇敵則瓦解
星散不知所之矣古者兵出民間農桑所得皆以衣食
其家故處則富足出則精銳今既賦斂農民粟帛以給
正軍又籍其身以為兵是一家而給二家之事也如此
民之財力安得不屈臣愚以為河北河東已剌之民猶
當放還况陝西未剌之民乎帝弗聽於是三路鄉兵唯

義勇為最盛熙寧以來則尤重蕃兵保甲之法餘多承舊制前史沿革不復具述取其有損益者著于篇南渡而後土宇雖不及前而兵制多仍其故凡其鄉兵砦兵之可攷者皆附見焉

陝西保毅開寶八年發渭州平涼潘源二縣民治城隍因立為保毅弓箭手分戍鎮砦能自置馬免役逃死以親屬代因周廣順舊制也咸平初秦州極邊止置千人分番守戍上番人月給米六斗仲冬賜指揮使至副都

頭紫綾綿袍十將以下皂綾袍五年點陝西沿邊丁壯
充保毅凡得六萬八千人給資糧與正兵同戍邊郡慶
厯初詔悉刺為保捷軍唯秦州增置及三千人環慶保
安亦各籍置是時諸州總六千五百十八人為指揮三
十一皇祐五年涇原都總管程戡上言陝西保毅近歲
止給役州縣無復責以武技自黥刺為保捷而家猶不
免於保毅之籍或折賣田產而得產者以分數助役今
秦州僅三千人久廢農業請罷遣詔自今敢私役者計

傭坐之治平初詔置保毅田承名額者悉揀刺以為義勇熙寧四年詔廢其軍環慶砦戶強人弓手九年詔如禁軍法上其籍隸于馬軍司廩給視中禁軍

河北忠順自太宗朝以瀛莫雄霸州乾寧順安保定軍置忠順凡三千人分番巡徼隸沿邊戰權巡檢司自十月悉上人給糧二升至二月輪半營農慶厯七年夏竦建議與正兵參戍八年以水沴多逋亡者權益正兵代其闕額皇祐四年權放業農後不復補

河北陝西強人砦戶強人弓手名號不一咸平四年募河北民諳契丹道路勇銳可為間伺者充強人置都頭指揮使無事散處田野有警追集給器甲口糧食錢遣出塞偷斫敵壘能斬首級奪馬者如賞格擄獲財畜皆畀之慶厯二年環州亦募涅手背自備戎械并馬置押官甲頭隊長戶四等以下免役上番防守月給奉廩三年涇原路被邊城砦悉置環慶二州復有砦戶康定中以沿邊弓手涅手背充有警召集防戍與保毅弓手同

大順城西谷皆有彊人弓手天禧慶厯間募置番戍為
巡徼斥候日給糧人賦田八十畝能自備馬者益賦四
十畝遇防秋官給器甲下番隨軍訓練為指揮六

河北河東強壯五代時瀛霸諸州已置咸平三年詔河
北家二丁三丁籍一四丁五丁籍二六丁七丁籍三八
丁以上籍四為強人五百人為指揮使百人為都置正
副都頭二人節級四人所在置籍擇善騎射者第補校
長聽自置馬勝甲者蠲其戶役五年募其勇敢團結附

大軍為柵官給鎧甲景德元年遣使分詣河北河東集
強壯借庫兵給糧訓練非緣邊即分番迭教寇至悉集
守城寇退營農至康定初州縣不復閱習其籍多亡乃
詔二路選補增其數為伍保迭糾遊惰及作奸者二十
五人為團置正副都頭各一人五都為指揮使各以階
級伏事年二十係籍六十免取家人或他戶代之歲正
月縣以籍上州州以籍奏兵部按舉不如法者慶厯二
年悉揀以為義勇不預者釋之而存其籍以備守葺城

池而河東強壯自此寢廢矣其募於河北者舊給塘泊河淤之田力不足以耕重苦畚教應募者寡熙寧七年罷之以其田募民耕戶兩頃蠲其賦以為保甲

河東陝西弓箭手周廣順初鎮州諸縣十戶取材勇者一人為之餘九戶資以器甲芻糧建隆二年詔釋之凡一千四百人景德二年鎮戎軍曹瑋言有邊民應募為弓箭手者請給以閒田蠲其徭賦有警可參正兵為前鋒而官無資糧戎械之費詔人給田二頃出甲士一人

及三頃者出戰馬一匹設堡戍列部伍補指揮使以下
據兵有功勞者亦補軍都指揮使置巡檢以統之其後
廊延環慶涇原并河東州軍亦各募置慶厯中諸路總
三萬二千四百七十四人為指揮一百九十二是時河
東都轉運使歐陽修言代州岢嵐寧化火山軍被邊地
幾二三萬頃請募墾種充弓箭手詔宣撫使范仲淹議
以為便遂以岢嵐軍北草城川禁地募人拒敵界十里
外占耕得二千餘戶歲輸租數萬斛自備弓馬涅手背

為弓箭手既以并州明鎬沮議而止至和二年韓琦奏
訂鎬議非是曰昔潘美患契丹數入境遂驅旁耕民內
徙苟免一時失備之咎其後契丹講和因循不復許人
復業遂名禁地歲久為敵人侵耕漸失疆界今代州寧
化軍有禁地萬頃請如草城川募弓箭手可得田千餘
戶下并州富弼議弼請如琦奏詔其為條視山坡川原
均給人二頃其租秋一輸川地畝五升坂原地畝三升
毋折變科徭仍指揮即山險為屋以便居止備征防無

得擅役先是麟府豐州亦以閒田募置人結屋貸口糧
二石而德順軍靜邊砦壕外弓箭手尤為勁勇夏人利
其地數來爭占朝廷為築堡戍守至治平末河東七州
軍弓箭手總七千五百人陝西十州軍并砦戶總四萬
六千三百人先是康定元年詔麟府州募歸業人增補
義軍俾耕本戶故地面免其稅租其制與弓箭手略同
而不給田熙寧二年兵部上河東七郡舊籍七千五今
籍七千陝西十郡并砦戶舊籍四萬六千三百今唯秦

鳳有砦戶三年秦鳳路經畧使李師中言前年築熟羊等堡募蕃部獻地置弓箭手迄今三年所募非良民初未嘗團結訓練竭力田事今當置屯列堡為戰守計置屯之法百人為屯授田於旁寨置將校領農事休即教武技其牛具農器旗鼓之屬並官予置堡之法諸屯併力自近及遠築為堡以備寇至寇退則悉出掩擊從之五年趙高為鄜延路以其地萬五千九百頃募漢蕃弓箭手四千九百人帝嘉其能省募兵之費褒賞之六年

尚言新募弓箭手頗習武技請更番代正兵歸京師詔
審度之十月詔熙河路以公田募弓箭手其旁塞民強
勇願自占田出租賦聯保伍或義勇願應募或民戶願
受蕃部地者聽七年正月帶御器械王中正詣熙河路
以土田募弓箭手所募人毋拘路分遠近不依常格差
官召募仍親提舉三月王韶言河州近城川地招漢弓
箭手外其山坡地招蕃弓箭手人給地一頃蕃官兩頃
大蕃官三頃仍募漢弓箭手等為甲頭候招及人數補

人員與蕃官同管自來出軍多為漢兵盜殺蕃兵以為
首功今蕃兵各願於左耳前刺蕃兵字從之十月中書
條例司乞五路弓箭手砦戶除防拓巡警及緩急事許
差發外若修城諸役即申經畧安撫鈐轄司其有擅差
發及科配和雇者並科違制之罪從之其夔州路義軍
廣南槍手土丁峒丁湖南弩手福建鄉丁槍手依此法
八年詔涇原路七駐泊就糧上下番正兵弓箭手蕃兵
約七萬餘人分為五將別置熙河策應將副十年知延

州呂惠卿言自熙寧五年招到弓箭手只是權行差補
未曾團定指揮本司見將本路團結將分團成指揮都
分置立將校統轄即於臨時易為勾集從之元豐二年
計議措置邊防所言以涇原路正兵漢蕃弓箭手為十
一將分駐諸州從之三年詔凡弓箭手兵騎各以十人
為隊置引戰旗頭左右儼旗及以本屬酋首將校為擁
隊並如正軍法蕃捉生蕃敢勇山河戶亦如之凡募弓
箭手蕃捉生強人山河戶不以等樣第募有保任年十

七已上弓射七斗任負帶者廊延路新舊蕃捉生環慶路強人諸路漢弓箭手廊延路歸明界保毅蕃戶弓箭手皆湮於手背四年涇原路經畧司言本路弓箭手闕地九千七百頃渭州隴山一帶川原陂地四千餘頃可募弓箭手二千餘人或不願應募乞收其地入官熙河路都經制司言乞依熙河舊例許涇原秦鳳路環慶及熙河路弓箭手投換仍帶舊戶田土耕種二年即入收官別招弓箭手皆從之五年正月廊延路經畧司乞以

新收復米脂吳堡義合細浮圖塞門五砦地置漢蕃弓箭手及春耕種其約束補職並用舊條從之二月詔提舉熙河等路弓箭手營田蕃部共為一司隸涇原路制置司四月詔蕃弓箭手陣亡依漢弓箭手給賻弓箭手出戰因傷及病羸不能自還者並依軍例賜其家七月提舉熙河路弓箭手營田蕃部司康識兼提舉營田張大寧言乞應新收復地差官分畫經界選知農事廂軍耕佃頃一人其部押人員節級及雇助人工歲入賞罰

並用熙河官莊法餘並招弓箭手營田每五十頃為一營差諳農事官一員幹當從之六年鄜延路經畧司言弓箭手於近裏縣置田兩處立戶及四丁已上乞取一丁為保甲一丁為弓箭手有二丁至三丁即且令充弓箭手詔保甲願充弓箭手者聽其見充弓箭手與當丁役毋得退就保甲陝西河東亦如之八年詔罷秦鳳路置場集教弓箭手令經略司購求土人習教所宜立法元祐元年詔罷提舉熙河等路弓箭營田蕃部司三年

兵部言涇原路隴山一帶係官地例為人侵冒畧無色役非自朝廷置局招置標撥無以杜絕姦弊從之其後殿前司副都指揮使劉昌祚奏根括隴山地凡一萬九百九十頃招置弓箭手人馬凡五千二百六十一賜敕書獎諭四年詔將隴山一帶弓箭手人馬別置一將管幹仍以涇原路第十二將為名五年詔戶部遣官往熙河蘭岷路代孫路措置弓箭手土田紹聖元年樞密院言熙河蘭岷路經畧司奏本路弓箭手自展置以來累

經戰鬪內有戰功補三班差使已上之人欲並遣歸所屬差使仍以其地令親屬承刺如無即別差人承之三年正月詔自今漢蕃人互投弓箭手者官司不得收刺違者杖一百五月詔在京府界諸路馬軍槍手並改充弓箭手兼習蕃槍四年詔張詢巴宜專根括安西金城膏腴地頃畝可以招置弓箭手若干人具團結以聞元符元年二月樞密院言鍾傳奏近往涇原與章綵講究進築天都山南牟等處今相度如展置青南訥心須置

一將乞權於熙秦兩路輟那新城內土田并招弓箭手
仍置提舉官二員熙秦兩路弓箭手每指揮以三百人
為額乞作二十指揮招置不一二年間須得數千民兵
以充武備從之七月詔陝西河東路新城砦合招弓箭
手投換其元祐八年四月不得招他路弓箭手指揮勿
用三年提舉涇原路弓箭手安師文知涇州罷提舉弓
箭手司崇寧元年九月樞密院勘會陝西五路并河東
自紹聖開斥以來疆土至廣遠者數百里近者不減百

里罷兵以來未曾措置田多膏腴雖累降詔置弓箭手
類多貧乏或致逃走州縣鎮砦汚吏豪民冒占沃壤利
不及於平民且並緣舊疆侵占新土今遣官分往逐路
提舉措置應緣新疆土田分定腴瘠招置弓箭手推行
新降條法舊弓箭手如願出佃新疆亦仰相度施行詔
湯景仁河東路董采秦鳳路陶節夫環慶路安師文廊
延路並提舉弓箭手

元符三年罷提
舉司今復置

宗寧二年十一月

安師文奏據權通判德順軍事盧逢原申根括打量出

四將地分管下五砦新占舊邊壕外地共四萬八千七百三十一頃有奇乞特賜優賞詔安師文特授左朝議大夫差遣如故盧逢原特授朝請郎二年九月熙河路都轉運使鄭僅奉詔相度措置熙河新疆邊防利害僅奏朝廷給田養漢蕃弓箭手本以藩扞邊面使顧慮家產人自為力今拓境益遠熙秦漢蕃弓箭手乃在腹裏理合移出然人情重遷乞且家選一丁官給口糧團成耕夫使佃官莊遇成熟日除糧種外半入官半給耕夫

候稍成次第聽其所便從之五年三月趙挺之言鄴
之復歲費朝廷供億一千五百餘萬鄭僅初建官莊之
議朝廷令會計其歲入凡五莊之入乃能支一莊之費
蓋鄴、滎乃西蕃之二小國、涇州謂之邈川、鄴州謂之青
唐與河南本為三國其地濱河多沃壤昔三國分據時
民之供輸於其國厚而又每族各有酋長以統領之皆
衣食贍足取於所屬之民自朝廷收復以來名為使蕃
民各占舊地以居其實屢更戰鬥殺戮竄逐所存無幾

今兵將官帥臣知州多名閒民以居貪冒者或受金乃與之地又私取其羊馬駝畜然無一毫租賦供官若以昔輸於三國者百分之一入於縣官即湟州資費有餘矣帝深然之翌日知樞密院張康國入見力言不可使新民出租恐致擾動衆情且言蕃民既刺手背為兵安可更出租賦帝因宣諭新民不可搖動兼已令多招弓箭手矣挺之奏弓箭手官給以地而不出租此中國法也若蕃兵則其舊俗既輸納供億之物出戰又人皆為

兵非弓箭手之比今朝廷所費不貲經營數年得此西
蕃之地若無一毫之入而官吏戍卒饋餉之費皆出於
朝廷何計之拙也帝曰已令姚雄經畫時累詔令雄括
空間地召人耕墾出課故深以挺之所奏為然挺之又
云鄯湟之復羌人屢叛溪撻羅撒走降夏國夏國納之
時時寇邊兵不解嚴而饋運極艱和糴入粟鄯州以每
石價至七十貫湟州五十餘貫蓋倉場利於客人入中
乞取而官吏利於請給斛斗中官獲利百倍人人皆富

是以上下相蒙而為朝廷之害熙寧三年熙河運司以歲計不足乞以官茶博糴每茶三斤易粟一斛其利甚博朝廷謂茶馬司本以博馬不可以博糴於茶馬司歲額外增買川茶兩倍茶朝廷別出錢二百萬給之令提刑司封樁又令茶馬官程之邵兼領轉運使由是數歲邊用粗足及挺之再相熙河曹司屢申以軍糧不足為急乃令會去年拋降錢數共一千一百萬駄一駄價直三千至四千二百駄所轉不可勝計今年已降撥銀

錢絹等共九百萬乃令更支兩倍茶一百萬馱張康國同進呈得旨乃密檢元豐以來茶惟用博馬指揮以進然康國不知兩倍茶自非博馬之數而何執中鄧洵武雜然和之由是兩倍茶更不支給而鄯湟兵費不給矣七年詔邊地廣而耕墾未至膏腴荒閒芻粟翔踴歲糴本不貲昨累降指揮令涇原路經畧司與提舉弓箭手司措置召人開墾以助塞下積粟為備邊無窮之利訪聞提舉弓箭手司與經畧司執見不同措置議論不務

和協其提舉涇原路弓箭手錢歸善可罷大觀三年二月臣僚言自復西寧州饋給每多而儲積未廣買價數增市物隨踴地利不闢兵籍不敷蓋招置之術失講勸利之法未興也乞委帥臣監司講求或募或招何為而可足弓箭手之數以期于不闕或拘或誘何為而使蕃部著業而責以耕耘田既墾則穀自盈募既充而兵益振是收班超之功盡充國之利也詔熙河洮岷前後收復歲月深久得其地而未得其利得其民而未得其用

地利不闕兵籍不敷歲仰朝廷供億非持久之道可令
詳究本末條畫來上政和三年秦鳳路經畧安撫使何
常奏自古行師用兵或騎或步率因地形兵法曰蕃兵
惟勁馬奔衝漢兵惟強弩倚角蓋蕃長於馬漢長於弩
也今則不然西賊有山間部落謂之步跋子者上下山
坡出入谿澗最能踰高超遠輕足善走有平夏騎兵謂
之鐵鷄子者百里而走千里而期最能倏往忽來若電
擊雲飛每於平原馳騁之處遇敵則多用鐵鷄子以為

衝冒奔突之兵山谷深險之處遇敵則多用步跋子以
為擊刺掩襲之用此西人步騎之長也我諸路並塞之
民皆是弓箭手地分平居以田獵騎射為能緩急以追
逐馳騁相尚又沿邊土兵習於山川慣於馳驟關東戍
卒多是硬弩手及標牌手不惟扞彼勁矢亦可使彼馬
驚潰此中國步騎之利也至道中王超丁罕等討繼遷
是時馬上用弩遇賊則萬弩齊發賊不能措手足而遁
又元豐間劉昌祚等趨靈州賊衆守隘官軍不能進於

是用牌子為前鋒賊下馬臨官軍其勢甚盛昌祚等乃以牌子踢跳閃爍振以響環賊馬驚潰若遇賊於山林險隘之處先以牌子扞賊次以勁弓強弩與神臂弓射賊先鋒則矢不虛發而皆穿心達臆矣或遇賊於平原廣野之間則馬上用弩攢射可以一發而盡殪兼牌子與馬上用弩皆已試之効不可不講前所謂勁馬奔衝強弩掎角其利兩得之而賊之步跋子與鐵鷄子皆不足破也又步兵之中必先擇其魁健材力之卒皆用斬

馬刀別以一將統之如唐李嗣業用陌刀法遇鐵鷄子
衝突或掠我陣脚或踐踏我步人則用斬馬刀以進是
取勝之一奇也詔樞密院劄與諸路經畧司四年詔西
羌久為邊患乍叛乍服譎詐不常頃在先朝使者在廷
猶或犯境今植養積歲屢饑久困雖誓表已進羌夷之
性不保其往修備禦於無事之時戒不虞於萃聚之際
正在今日可令陝西河東路帥臣訓練兵伍除治軍器
繕修樓櫓收積芻糧常若寇至不可謂已進誓表輒或

弛怠墮其姦謀所有弓箭手蕃兵常令優恤逃亡者可
速招補貧乏者亦令貸借將佐偏裨如或輒懦失職具
名以聞或寇至失事並行軍法五年二月詔陝西河東
逐路自紹聖開拓邊疆以來及西寧湟廓洮川積石等
處新邊各有包占良田並合招置弓箭手以為邊防籬
落至今累年曠土尚多應募人數未廣蓋緣自罷專置
提舉官隸屬經畧司事權不專頗失措置根括打量催
督開墾理斷交侵等職事盡在極邊帥臣無由親到即

今夏人通貢邊鄙安靜若不乘此委官往來督責多方
招刺弓箭手墾闢間田補助邊計以寬飛輓之勞竊慮
因循寢久曠土愈多銷耗民兵人額有害邊防大計兼
提舉文臣玩習翰墨多務安養罕能衝冒寒暑可令陝
西河東逐路並復置提舉弓箭手司仍各選差武臣一
員充理任請給恩數等並依提舉保甲條例施行每路
各置幹當公事使臣二員仍每歲令樞密院取索逐路
招到弓箭手并開墾過地土比較優劣殿最取旨黜陟

合措置事節所差官條畫以聞八月樞密院言欲將近裏弓箭手地但有爭訟侵冒之處並行打量庶幾杜絕侵冒之弊從之是月提舉河東路弓箭手司奏本司體訪得沿邊州軍逐處招置弓箭手多將人戶舊用工開耕之地指射剋奪其舊佃人遂至失業且所出租僅比佃戶五分之一於公私俱不便今欲將係官莊屯田已有人租佃及五年者並不在招置弓箭手請射之限其河東路察訪司初不以邊防民兵為重姑息佃戶致有

此弊欲乞應熙寧八年以前人戶租佃官田並先取問
佃人如願投刺弓箭手每出一丁許依條給見佃田二
頃五十畝充人馬地若不願充弓箭手及出丁外尚有
請占不盡地土即拘收入官從之十一月詔邊防司奏
據提舉熙河蘭湟路弓箭手何灌申漢人買田常多比
緣打量其人亦不自安首陳已及一千餘頃若招弓箭
手即可得五百人若納租稅每畝三斗五升草二束一
歲間亦可得米三萬五石草二十萬束今相度欲將漢

人置買到蕃部土田願為弓箭手者兩頃已上刺一名
四頃已上刺兩名如願者依條立定租稅輸納其巧為
影占者重為禁止從之七年三月詔熙河鄯湟自開拓
以來疆土雖廣而地利悉歸屬羌官兵吏祿仰給縣官
不可為後計仰本路帥臣相度以錢糧茶絲或以羌人
所嗜之物與之貿易田土田土既多即招置弓箭手入
耕出戰以固邊圉宣和六年七月詔已降處分陝西昨
因地震摧塌屋宇因而死傷弓箭手內合承襲人速具

保明聞奏靖康元年二月臣僚言陝西恃弓箭手為國藩籬舊隸帥府比年始置提舉弓箭手官務取數多自以為功自是選練不精遂使法制寢壞欲乞詳酌罷提舉官以弓箭手復隸帥司務求以振邊聲詔從之河東路依此四月樞密院奏陝西河東逐路漢弓箭手自來並給肥饒田近年以來多將舊人已給田分擘招刺新人蓋緣提舉官貪賞欺蔽務要數多妄行招刺無以激勸朝廷近已罷提舉官今復隸帥司所轄况當今邊事

全藉民兵若不早計深慮誤事詔令陝西五路制置使
錢蓋及陝西河東逐路帥臣相度措置將已分擘弓箭
手田土依舊改正撥還所有新招到人別行給地務要
均濟仍仰帥臣嚴切奉行是月徐處仁又奏詔並送詳
議司熙寧五年涇原路經畧司蔡挺言涇原勇敢三百
四十四人久不揀練徒有虛名臣委二將領季一點閱
校其騎射能否升除補有功者以為隊長募極塞博軍
子嘗歷戰陣者補其闕益募熟戶蕃部以為蕃勇敢凡

一千三百八十人騎一千一百九十四匹挽弓一石馳
逐擊刺如法其有功者受勇敢下等奉餘遇調發則人
給奉三百益以芻糧詔諸路如挺言行之六年樞密院
言勇敢効用皆以材武應募從軍廩食既優戰馬戎械
之具皆出公上平時又得以家居以勞効賞者凡四補
而至借職校弓箭手減十資淹速相遠甚非朝廷第功
均賞之意請自今河東廊延秦鳳環慶熙河路各以三
百涇原路以五百為額第一等步射弓一石一斗馬射

九斗奉錢千第二等以下遞減一斗奉七百至五百季
首閱試於經畧司射親及野戰中者有賞全不中者削
其奉次季又不中者罷之戰有功者以八等定賞一給
公據二以為隊長三守闕軍將四軍將五殿侍六三班
借差七差使八借職其弓箭手有功亦以八等定賞一
押官承局二將虞候十將三副兵馬使軍使四副指揮
使五都虞候六都指揮使七三班差使八借職即以闕
排連者次遷元豐三年詔涇原路募勇敢如廊延路以

百人為額自是以後蕃部益衆而弓箭手多蕃兵矣

弓箭社河北舊有之熙寧三年十二月知定州滕甫言
河北州縣近山谷處民間各有弓箭社及獵射人習慣
便利與夷人無異欲乞下本道逐州縣並令募諸色公
人及城郭鄉村百姓有武勇願習弓箭者自為之社每
歲之春長吏就閱試之壯人勁悍緩急可用從之元祐
八年十一月知定州蘇軾言北邊久和河朔無事沿邊
諸郡軍政少弛將驕卒惰緩急恐不可用武藝軍裝皆

不逮陝西河東遠甚雖據即目邊防事勢三五年間必無警急然居安慮危有國之常備事不素講難以應變臣觀祖宗以來沿邊要害屯聚重兵止以壯國威而消敵謀蓋所謂先聲後實形格勢禁之道耳若進取深入交鋒兩陣猶當雜用禁旅至於平日保境備禦小寇即須專用極邊土人此古今不易之論也晁錯與漢文帝畫備邊策不過二事其一曰徙遠方以實空虛其二曰制邊縣以備敵國寶元慶歷中趙元昊反屯兵四十餘

萬招刺宣毅保捷二十五萬人皆不得其用卒無成功
范仲淹劉滄种世衡等專務整輯蕃漢熟戶弓箭手所
以封殖其家砥礪其人者非一道藩籬既成賊來無所
得故元昊復臣今河朔西路被邊州軍自澶淵講和以
來百姓自相團結為弓箭社不論家業高下戶出一人
又自相推擇家資武藝衆所服者為社頭社副錄事謂
之頭目帶弓而鋤佩劍而樵出入山坂飲食長技與敵
國同私立賞罰嚴於官府分番巡邏鋪屋相望若透漏

北賊及本土強盜不獲其當番人皆有重罰遇其警急
擊鼓頃刻可致千人器甲鞍馬常若寇至蓋親戚墳墓
所在人自為戰敵深畏之先朝名臣帥定州者韓琦龐
籍皆加意拊循其人以為爪牙耳目之用而籍又增損
其約束賞罰熙寧六年行保甲法強壯弓箭社並行廢
罷熙寧七年應兩地供輸人戶除元有弓箭社強壯并
義勇之類並依舊存留外更不編排保甲看詳上件兩
次聖旨除兩地供輸村分方許依舊置弓箭社其餘並

合廢罷雖有上件指揮公私相承元不廢罷只是令弓箭社兩丁以上人戶兼充保甲以至逐捕本界及他盜賊並皆驅使弓箭社人戶用命捉殺見今州縣全藉此等寅夜防拓灼見弓箭社實為邊防要用其勢決不可廢但以兼充保甲之故召集追呼勞費失業今雖名目俱存責其實用不逮往日臣竊謂陝西河東弓箭手官給良田以備甲馬今河朔沿邊弓箭社皆是人戶祖業田產官無絲毫之損而捐軀捍邊器甲鞍馬與陝西河

東無異苦樂相遠未盡其用近日霸州文安縣及真定府北砦皆有北賊驚劫人戶捕盜官吏拱手相視無如之何可以驗禁軍弓手皆不得力向使州縣逐處皆有弓箭社人戶致命盡力則北人豈敢輕犯邊砦如入無人之境臣已戒飭本路將吏申嚴賞罰加意拊循其人輒復拾用龐籍舊奏約束稍加增損別立條目欲乞朝廷立法少賜優異明設賞罰以示懲勸今已密切取會到本路極邊定保兩州安肅廣信順安三軍邊面七縣一

砦內管自來團結弓箭社五百八十八村六百五十一
夥共計三萬一千四百一十一人若朝廷以為可行立
法之後更勅將吏常加拊循使三萬餘人分番晝夜巡
邏盜邊小寇來即擒獲不至狃怙以生戎心而事皆循
舊無所改作敵不疑畏無由生事有利無害較然可見
奏凡兩上皆不報政和六年詔河北路有弓箭社縣分
已令解發異等其逐路縣令佐俟歲終教閱異等帥司
具優劣之最各取旨賞罰以為勸沮仍具為令又高陽

開路安撫司言大觀三年弓箭社人依保甲法政和保甲格較最優劣縣令各減展磨勘年有差詔依保甲格賞罰施行宣和七年二月臣僚言往年西路提刑梁揚祖奏請勸誘民戶充弓箭社繼下東路令倣西路例招誘原立法之意不過使鄉民自願入社者閱習武備為禦捍之具爾柰何邀功生事之人唯以入社之民衆多為功厚誣朝廷而斂怨于民督責州縣急於星火取五等之籍甲乙而次之家至戶到追胥迫脅悉驅之入社

更無免者法始行於西路西路既已冒受厚賞於是東
路憲司前後論列誕謾滋甚近者東路之奏數至二十
四萬一千七百人武藝優長者一十一萬六千且云比
之西路僅多一倍陛下灼知其不然雖命帥臣與廉訪
使者覈實彼安肯以實聞乎今東路憲司官屬與登淄
兩州當職官坐增秩者幾二十人而縣令佐不及焉不
知出入阡陌間勸誘者誰歟此其誕謾可知矣審如所
奏山東之寇何累月淹時未見殄滅哉則其所奏二十

四萬與十一萬殆虛有名不足以捍賊明矣大抵因緣
追擾民不堪其勞則老弱轉徙道路強壯起為盜賊此
亦致寇之一端也近者仰煩陛下遣將出師授以方畧
又命近臣持詔撫諭至於發內庫之藏轉淮甸之粟以
振給之寬免其稅租蕩宥其罪戾丁寧纖悉罔不曲盡
方將歸伏田畝以為遷善遠罪之民詎可以其所甚病
擾之邪且私有兵器在律之禁甚嚴三路保伍之法雖
於農隙以講武事然猶事畢則兵器藏於官府今弓箭

社一切兵器民皆自藏於家不幾於借寇哉望陛下斷
自聖心罷京東弓箭社之名所藏兵器悉送之官使民
得免非時追呼迫脅之擾以安其生應兩路緣弓箭社
推恩者並追奪改正首議之人重賜黜責後來奏請誕
謾亦乞特賜施行庶幾羣下悚懼不敢妄進曲說以肆
其姦實今日之先務也詔並依奏梁揚祖落職兵器並
拘入官弓箭社人依已降指揮放散

宋史卷一百九十

欽定四庫全書薈要卷五千八百十九

史部

宋史卷一百九十一

元中書右丞相總裁托克托等修

兵志第一百四十四

兵五 鄉兵二

河北河東陝西義勇

陝西護塞

川陝土丁

荆湖義軍土丁弩手

夔施黔思等處義軍土丁

廣南東路槍手

廣南西路土丁

邕欽溪洞壯丁

福建路槍仗手

江南西路槍仗手

蕃兵

河北河東陝西義勇慶曆二年選河北河東強壯并抄民丁涅手背為之戶三等以上置弩一當稅錢二十三等以下官給各營於其州歲分兩番訓練上番給奉廩犯罪斷比廂軍下番比強壯治平元年詔陝西除商虢二州餘悉籍義勇凡主戶三丁選一六丁選二九丁選三年二十至五十材勇者充止涅手背以五百人為指揮置指揮使副二人正都頭三人十將虞候承局押官各五人歲以十月番上教閱一月而罷又詔秦州成紀

等六縣有稅戶弓箭手砦戶及四路正充保毅者家六
丁刺一九丁刺二有買保毅田承名額者三丁刺一六
丁刺二九丁刺三悉以為義勇是歲詔秦隴儀渭涇原
邠寧環慶鄜延十二州義勇遇召集防守日給米二升
月給醬菜錢三百蓋慶厯初河北路總十八萬九千三
十一人河東路總七萬七千七十九人陝西路治平初
總十五萬六千八百七十三人熙寧初樞密使呂公弼
請以河北義勇每指揮揀少壯藝精者百人為上等手

背添刺上等字旌別教閱及數外藝優者亦籍之俟有
闕則補從之十二月詔河北義勇縣以歲閱當閱于州
者宜分番歲以一番災傷當罷者聽旨其以指揮分番
者大名府五十三為四番真定瀛洺邢滄定冀恩趙深
磁相博自三十九以及十二並為三番德祁澶棣霸濱
永靜永寧懷衛乾寧莫保通利自十一以及四並為二
番九指揮已上者再分本番為三教始十月止十二月
六指揮已上者再分本番為二教始十月止十一月終

滿一月罷遣帝嘗問陳升之曰侯叔獻言義勇上番何如王安石曰此事似可為但少須年歲間議之升之曰今募兵未已且養上番義勇則調度尤不易安石曰言募兵之害雖多及用則患少以民與兵為兩途故也十二月帝言義勇可使分為四番出戍呂公弼曰須先省得募兵乃可議此安石曰計每歲募兵死亡之數乃以義勇補之可也陳升之欲令義勇以漸戍近州安石曰陛下若欲變數百年募兵之弊則宜果斷詳立法制不

然無補也帝以為然曰須豫立定條法不要宣布以漸推行可也兩府議上番或以為一月或以為一季且令近戍文彥博等又言難使遠戍安石辯之甚力是月兵部上陝西河北河東義勇數陝西路二十六郡舊籍十五萬三千四百益以環慶延州保毅弓箭手三千八百總十五萬六千八百為指揮三百二十一河北三十三郡舊籍十八萬九千二百今籍十八萬六千四百為指揮四百三十而河東二十郡自慶歷後總七萬七千為

指揮一百五十九凡三路義勇之兵總四十二萬三千
五百人三年七月王安石進呈蔡挺乞以義勇為五番
教閱事帝患密院不肯措置安石曰陛下誠欲行則孰
能禦此在陛下也涇渭儀原四州義勇萬五千人舊止
戍守經畧使蔡挺始令遇上番依諸軍結隊分隸諸將
選藝精者遷補給官馬月廩時帛郊賞與正兵同遂與
正兵相參戰守時土兵有闕召募三千人挺奏以義勇
點刺累年雖訓肄以時而未施於征防意可以案府兵

遺法俾之番戍以補土兵闕詔復問以措置遠近番之法挺即條上以四州義勇分五番番三千人防秋以八月十五日止十月罷防春以正月十五日止三月罷周而復始詔從之行之諸路九月秦鳳經畧安撫司言保毅人數不曾揀充義勇而其子孫轉易田土分煙析姓少有正身乞令保毅軍已於丁數內揀刺充義勇者與免承認保毅從之十月韓絳乞差著作佐郎呂大忠等赴宣撫司以備提舉義勇從之是月韓絳言今將義勇

分為七路延丹坊為一路邠寧環慶為一路涇原儀渭
為一路秦隴為一路陝解同河中府為一路階成鳳州
鳳翔府為一路乾耀華永興軍為一路逐年將一州之
數分為四番緣邊四路十四州每年秋冬合用一番屯
戍近裏三路十二州軍即令依此立定番次未得逐年
差發遇本處闕少正兵即得勾抽或那往次邊守戍從
之十一月判延州郭達言陝西起發義勇赴緣邊戰守
今後並令自贍一月糗糧折本戶稅賦若不能自備則

就所發州軍預請口食一月從之十二月司馬光上疏
曰臣以不才兼領長安一路十州兵民大柄到官以來
伏見朝廷及宣撫等司指揮分義勇作四番欲令以次
於緣邊戍守選諸軍驍銳及募閭里惡少以為奇兵造
乾糧炒飲布囊力車以備餽運悉取歲賜趙秉常之物
散給緣邊諸路又竭內地府庫甲兵財物以助之且以
永興一路言之所發人馬甲八千副錢九萬貫銀二萬
三千兩銀盃六千枚其餘細瑣之物不可勝數動皆迫

以軍期上下相驅急於星火官吏狼狽下民驚疑皆云
國家將以來春大舉六師長驅深入以討東常之罪臣
以疎賤不得預聞廟堂之議未知茲事為虛為實昨者
親承德音以為方今邊計惟宜謹嚴守備其入寇則堅
壁清野使之來無所得兵疲食盡可以坐收其弊臣退
而思念聖謀高遠深得王者懷柔遠人之道實天下之
福及到關中乃見凡百處置皆為出征調度臣不知有
司在外不諭聖意以致有此張皇將陛下默運神算不

令愚賤之臣得聞其實也臣不勝惶惑竊為陛下危之
況關中饑饉十室九空為賊盜者紛紛已多縣官倉庫
之積所餘無幾乃欲輕動大眾橫挑猛獸此臣之所大
懼也伏望陛下深鑒安危之機消之於未萌杜之於未
形速下明詔撫諭關中之民以朝廷不為出征之計其
義勇更不分番於緣邊戍守亦不選募奇兵凡諸調發
為餽運之具者悉令停罷愛惜內地倉庫之儲以備春
深調救饑窮之人如此豈惟生民之幸亦社稷之福也

惟陛下裁察再言之甚力於是永興一路獨得免四年
詔罷陝西路義勇差役又詔罷陝西諸路提舉義勇官
委本屬州縣依舊分番教閱五年七月命崇文院校書
王安禮專一編修三路義勇條貫是月帝問王安石義
勇事如何安石曰宜先了河東一路河東舊制每年教
一月今令上番巡檢下半月或十日人情無不悅又以
東兵萬人所費錢糧且收一半或三分之二依保甲養
恤其人即人情無不忻願者閏七月執政同進呈河東

保甲事樞密院但欲為義勇強壯不別名保甲王安石
曰此非王安禮初議也帝曰今以三丁為義勇兩丁為
強壯三丁遠戍兩丁本州縣巡檢上番此即王安禮所
奏但易保丁為強壯人習強壯久恐別名或致不安也
安石曰義勇非單丁不替強壯則皆第五等戶為之又
自置弓弩及箭寄官庫須上教乃給今以府界保甲法
推之河東蓋寬利之非苦之也帝曰河東義勇強壯已
成次第今欲遣官修義勇強壯法又別令人團集保甲

如何安石曰義勇要見丁數即須隱括因團集保甲即一動而兩業就今既差官隱括義勇又別差官團集保甲即一事分為兩事恐民不能無擾帝卒從安石議彥博請令安石就中書一面施行此事安石曰本為保甲故中書預議若止欲作義勇強壯即合令樞密院取旨施行帝曰此大事須共議乃可是月秦鳳路經畧呂公弼乞從本司選差官自十月初擇諸州上番義勇材武者以為上義勇免齎送芻糧之役募養馬者為有馬上

義勇并免其本戶支移從之六年九月詔義勇人員節級名闕須因教閱排連遷補十月熙河路經畧司言乞許人投換義勇以地給之起立稅額以官地招弓箭手仍許近裏百姓壯勇者占射依內地起稅排保甲即義勇願投充及民戶願受蕃部地者聽之其頃畝令經畧司以肥瘠定數十一月詔永興軍河中府陝解同華廊延丹坊邠寧環慶耀十五州軍各依元刺義勇外商號州保安軍並止團成保甲七年詔義勇正身不許應募

充刺已應募者召人對替八年四月詔韓琦等曰河朔
義勇民兵置之歲久耳目已熟將校甚整教習亦良然
團結保甲一道紛然義勇舊人十去其七或撥入保甲
或放而歸農得增數之虛名破可用之成法此又徒起
契丹之疑也七月詔應義勇家人投軍後本戶餘丁數
少合免義勇並許投軍十月詔五路義勇每年赴州教
保甲赴縣教並自十月至次年正月終義勇不及十指
揮保甲不及十都者自十二月起教各據人數分定番

次教閱一月不許拆破指揮都保其人數少處只作一
番兩番不須滿所教月分其年已上番者止教半月十
二月詔五路義勇並與保丁輪充及檢察盜賊有違犯
依保丁法九年正月詔義勇保甲逐年遇閱日比試所
習武藝五路每州以二十分為率取一分為五等第一
第解發四月詔河北西路義勇保甲分三十六番隨便
近村分於巡檢縣尉下上番半月一替歲於農閒月并
下番人並令所轄巡檢縣尉擇寬廣處聚教五日是月

兵部言舊條義勇保甲所習事藝以十分為率弓不得過二分槍刀共不得過二分餘並習弓弩詔槍手依舊專習外刀牌手令兼習弓弩仍額樣下五路施行九月詔永興秦鳳等路義勇以主戶三丁以上充不拘戶等是年諸路所管義勇河北東路三萬六千二百一十八人河北西路四萬五千七百六十六人永興軍路八萬七千九百七十八人秦鳳路三萬九千九百八十人河東路三千五百九十五人總二十四萬七千五百三十

七人元豐二年中書樞密院請河北陝西義勇保甲皆如諸軍誦教閱法從之三年詔五路轉運提舉官巡歷所至按閱見教義勇保甲不如法者牒提點刑獄司施行四年蒲宗孟言乞開封府五路義勇並改為保甲自此以次行於諸路矣

此後義勇改為義勇保甲載保甲篇

陝西護塞慶厯元年募土人熟山川道路蕃情善騎射者涅背充二百人為指揮自備戎械就鄉閭習武技季一集州教閱無事放營農月給鹽茗有警召集防守即

廩給之無出本路

川陝土丁熙寧七年經制瀘州夷事熊本募土丁五千人入夷界捕戮水路大小四十六村蕩平其地二百四十里募民墾耕聯其夷屬以為保甲元祐二年瀘南沿邊安撫使司言請應瀘人因邊事補授班行自備土丁子弟在本家地分防拓之人更無廩給酬賞若遇賊臨時取旨其敢邀功生事重寘于法從之政和六年瀘南安撫使孫義叟奏邊民冒法買夷人田依法盡拘入官

招置土丁子弟見招到二千四百餘人欲令番上從之
宣和四年詔茂州石泉軍舊管土丁子弟番上守把不
諳射藝其選施黔兵善射者各五千人分任教習候精
熟日遣回

荆湖路義軍土丁弩手不見創置之始北路辰澧二州
南路全邵道永四州皆置蓋溪洞諸蠻保據巖險叛服
不常其控制須土人故置是軍皆選自戶籍蠲免徭賦
番戍砦柵大率安其風土則罕嬰瘴毒知其區落則可

制狡獪其校長則有都指揮使副都指揮使指揮使副
指揮使都頭副都頭軍頭頭首採訪安頭首十將節
級皆敘功遷補使相綜領施之西南實代王師有禦侮
之備而無饋餉之勞其後荆南歸峽鼎郴衡桂陽亦置
慶厯二年北路總一萬九千四百人南路總五千一百
五十人番戍諸砦或以歲或以季或以月上番人給口
糧有功遷補自都副指揮使歲給錦袍月給食錢指揮
使給食錢指揮給紫大綾綿袍都頭已上率有廩給熙

寧元年籍荆湖南北路義軍凡一萬五千人軍政如舊
制六年諸路行保甲司農寺請令全邵二州土丁弩手
弩團與本村土人共為保甲以正副指揮使兼充都副
保正以都頭將虞候頭首都甲頭兼充保長以左右節
級甲頭兼充小保長番上則本鋪土丁弩手弩團等同
為一保其隔山嶺不及五大保者亦各置都保正一人
元祐七年選差邵州邵陽武岡新化等縣中等以下戶
充土丁弩手與免科役七年一替排補將級不拘替放

年分作兩番邊砦防拓不得募人凡上番依禁軍例教閱武藝及專習木弩如有私役並論如私役禁軍敕紹聖二年樞密院言荆湖南路安撫轉運提刑常平司奏請邵州管下緣邊堡砦置弩手一千四百人乞依元豐六年詔於五等戶輪差並半年一替其上番人如有故許家人少壯有武藝者代充從之崇寧二年荆湖南路安撫鈐轄李閔言收復綏寧縣上堡里臨口砦合用防拓弩手千人乞於邵州邵陽武岡兩縣中等以下戶選

差半年一替遇上番月支錢米排補階級自正副使而下至左右甲頭依舊為七階分兩番部轄令邵州給帖從之政和七年以辰沅澧等州更戍土丁與營田土丁名稱重疊將兵馬都鈐轄司招填土丁改為鼎澧路營田刀弩手重和元年辰州招到刀弩手二千一百人其官吏各轉官減磨勘年有差宣和四年靖州通道縣有邊警言詔添置刀弩手二千人

夔州路義軍土丁壯丁州縣籍稅戶充或自溪洞歸投

分隸邊砦習山川道路遇蠻入寇遣使襲討官軍但據險策應之其校長之名隨州縣補置所在不一職級已上冬賜錦袍月給食鹽米麥鐵錢其次紫綾綿袍月給鹽米其次月給米鹽而已有功者以次遷施黔思三州義軍土丁總隸都巡檢司施州諸砦有義軍指揮使把截將砦將并土丁總一千二百八十一人壯丁六百六十九人又有西路巡防殿侍兼義軍都指揮使都頭十將押番砦將黔州諸砦有義軍正副指揮使兵馬使都

頭砦將把截將并壯丁總千六百二十五人思州洪杜
彭水縣有義軍指揮使巡檢將砦將科理旁頭把截部
轄將并壯丁總千四百二十二人

渝州懷化軍溱州江津巴縣巡遏將皆州縣調補其戶
下率有子弟各丁遇有寇警一切責辦主戶巡遏把截
將歲支料鹽襖子領三年其地內無寇警乃給有勞者
增之州縣籍土丁子弟并器械之數使分地戍守嘉祐
中補涪州賓化縣夷人為義軍正都頭副都頭把截將

十將小節級月給鹽有功以次遷及三年無夷賊警擾
即給正副都頭紫小綾綿旋襪一涪陵武龍二縣巡遏
將砦一人以物力戶充免其役其義軍土丁歲以籍上
樞密院

廣南西路土丁嘉祐七年籍稅戶應常役外五丁點一
為之凡得三萬九千八百人分隊伍行陣習槍鏢排冬
初集州按閱後通歲州縣迭教察視兵械以防收刈改
用十一月教一月罷熙寧七年知桂州劉彝言舊制宜

融桂邕欽五郡土丁成丁已上者皆籍之既接蠻徼自
懼寇掠守禦應援不待驅策而近制主戶自第四等以
上三取一以為土丁而旁塞多非四等以上若三丁籍
一則減舊丁十之七餘三分以為保丁保丁多處內地
又俟其益習武事則當蠲上丁之籍恐邊備有闕請如
舊制便奏可元豐六年廣西經略使熊本言宜州土丁
七千餘人緩急可用欲令所屬編排分作都分除防盜
外緣邊有警聽會合掩捕從之元符二年廣西察訪司

言桂宜融等用土丁緣邊防拓差及單丁乞差兩丁以上之家從之

廣南東路槍手嘉祐六年廣惠梅潮循五州以戶籍置三等以上免身役四等以下免戶役歲以十月一日集縣閱教治平元年詔所在遣官按閱一月罷有闕即招補不足選本鄉有武技者充熙寧元年詔廣州槍手十之三教弓弩手是歲會六郡槍手為指揮四十一總一萬四千七百有奇三年知廣州王靖言東路槍手自至

和初立為土丁之額農隙肄業一月乃古者寓兵於農之策也然訓練勸獎之制未備請比三路義勇軍政教法條上約束四年知封州鄧中立請以本路未置槍手州縣如廣惠等五郡例置奏可六年廣東駐泊楊從先言本路槍手萬四千今為保甲兩丁取一得丁二十五萬三丁取一得丁十三萬以少計之猶十倍於槍手願委路分都監二員分提舉教閱詔司農寺定法以聞其後戶四等以上有三丁者以一為之每百人為一都一

都之下為一指揮自十一月至二月月輪一番閱習凡三日一試擇其技優者先遣之七年詔廣南東西路舊槍手土丁戶依河北陝西義勇法三丁選一餘州無槍手土丁者勿置九年兵部言廣惠循潮南恩五郡槍手請籍主戶第以上壯丁毋過舊額一萬四千餘以為保甲奏可元豐二年詔廣惠潮封康端南恩七州皆並邊外接蠻徼宜依西路保甲教習武藝時又詔虔州槍仗手以千五百撫州建昌軍鄉丁關軍槍仗手各以千七

百為額監司以農隙按閱武藝如廣東制

邕欽溪洞壯丁治平二年廣南西路安撫司集左右兩江四十五溪洞知州洞將各占隣迭為救應仍籍壯丁補校長給以旗號峒以三十人為一甲置節級五甲置都頭十甲置指揮使五十甲置都指揮使總四萬四千五百人以為定額各置戎械遇有寇警召集之二年一閱察視戎械有老病並物故名闕選少壯者填三歲一上熙寧中王安石言募兵未可全罷民兵則可漸復至

於二廣尤不可緩今中國募禁軍往戍南方多死害於
仁政陛下誠移軍職所得官十二三鼓舞百姓豪傑使
趨為兵則事甚易成於是蘇緘請訓練二廣洞丁舊制
一歲教兩月安石曰訓練之法當什伍其人拔其材武
之士以為什百之長自首領以下各以祿利勸獎使自
勤於閱習則事藝可成部分可立緩急可用六年廣南
西路經畧沈起言邕州五十一郡峒丁凡四萬五千二
百請行保甲給戎械教陣隊藝出衆者依府界推恩補

授奏可九年趙嵩征交趾入辭帝諭以用峒丁之法當
先誘以實利然後可以使人甘言虛辭豈能責其效命
比廊延集教蓄兵賴卿有以制之使輕罪可決重罪可
誅違西夏則其禍遠違帥臣則其禍速合於兵法畏我
不畏敵之義故能責其效命王師之南卿宜選募勁兵
數千擇梟將領之以脅諸峒諭以大兵將至從我者有
賞其不從者按族誅之兵威既振先脅右江右江既附
復脅左江兩江附則諸蠻無不附者然後以攻交人劉

其巢穴甚非難也郭逵性吝嗇卿宜諭以朝廷兵費無
所惜逵復事崖岸不通下情將佐莫敢言者卿至彼以
朕語詔之十年樞密院請邕欽峒丁委經畧司提舉司
巡檢總蒞訓練之事一委分接歲終上藝優者與其酋
首第受賞五人為保五保為隊第為三等軍功武藝出
衆為上蠲其徭役人材矯捷為中蠲其科配餘為下邊
盜發則酋長相報率族衆以捍寇十一月詔邕欽丁壯
自備戎械貧者假以官錢金鼓旗幟官給間歲大閱畢

則斂藏之元豐元年經畧司請集兩江峒丁為指揮權
補將校奏可二年廣西經畧司言團結邕欽峒丁為指
揮一百七十五籍武藝上等一萬三千六百七人詔下
諸臣獻議措置峒丁事付曾布參酌損益創為規畫務
令詳盡便於施行布乃請令鎮砦監押砦主同管轄兵
甲使臣與巡檢等分定州峒總制立賞罰懲勸增置都
巡檢使兩員分提舉及增首領丁壯歲閱之以武藝絕
倫者聞量材補授詔增都巡檢使二員餘下熊本擇其

可者施行之五年詔廣南保甲如戎瀘故事自置裏頭
無刃槍竹標排木弓刀蒿矢等習武技遇捕盜則官給
器械六年詔樞密承旨司講議廣西峒丁如開封府界
保甲集教團教法是年提點廣西路刑獄彭次雲言邕
苦瘴癘請量留兵更戍餘用峒丁以季月番上給禁軍
錢糧詔許彥先度之彥允等言若盡以代正兵恐妨農
請計戍兵三之一代以峒丁季輪二千赴邕州肄習武
事從之大觀二年詔熙寧團集左右江峒丁十餘萬衆

自廣以西賴以防守今又二十萬衆來歸已令張莊依左右江例相度聞奏尚慮有司不知先務措置滅裂今條畫行下其所修法入熙河蘭湟秦鳳路敕遵行之

福建路槍仗手元豐元年轉運使蹇周輔言廖恩為盜以槍仗手捕殺乃有冒槍仗手之名乘賊勢驚擾村落患有甚於廖恩者詔犯者特加刺配周輔請額定槍仗手人數歲集閱之下其章兵部兵部請依保甲法編排罷舊法以隸提刑司居相近者五人為小保保有長五

小保為一大保長十大保為一都副保正具教閱捕盜賊食直等令頒馬總一萬二百人有奇以歲之農隙部使者分閱依弓手法賞之二年立法聽自置兵械寄於官遇捕盜乃給數外置者從私有法元祐元年御史上官均言福建路往年因寇盜召募槍手多至數百人少不下一二百人每歲監司親至按試犒賞比至閱視其老弱不閑武技者十七八監司所至多先期呼集既至往往代名充數冒受支賞徒有呼集之勞而無校試之

實欲乞重行考覈不必充滿舊數庶幾得實靖康元年臣僚言天下步兵之精無如福建路槍仗手出入輕捷馭得其術一可當十乞選官前去召募從之

江南西路槍仗手熙寧十年詔籍虔汀漳三州鄉丁槍手等以制置盜賊司言三州壤界嶺外民喜販鹽且為盜非土人不能制故也元豐二年詔虔州槍仗手五百三十六人撫州建昌軍鄉丁關軍各千七百七十八人為定額每歲農隙輪監司提舉司官案閱武藝以備姦

盜從前江西轉運副使蔣之奇請也宣和三年兵部言
近因江西漕臣謂本路槍仗手元豐七年以八千三十
五人為額至元祐中減罷七千一百四十二人元符間
雖嘗增立人數比之元額猶減其七乞詔諸路監司帥
臣並遵熙寧舊制補足元額從之

蕃兵者具籍塞下內屬諸部落團結以為藩籬之兵也
西北邊羌戎種落不相統一保塞者謂之熟戶餘謂之
生戶陝西則秦鳳涇原環慶鄜延河東則石隰麟府其

大首領為都軍主百帳以上為軍主其次為副軍主都
虞候指揮使副兵馬使以功次補者為刺史諸衛將軍
諸司使副使承制崇班供奉官至殿侍其充本族巡檢
者奉同正員月添支錢十五千米麪僦馬有差刺史諸
衛將軍請給同蕃官例首領補軍職者月奉錢自三千
至三百又歲給冬服綿袍凡七種紫綾三種十將而下
皆給田土康定初趙元昊反先破金明砦殺李士彬父
子蕃部既潰乃破塞門安遠砦圍延州二年陝西體量

安撫使王克臣言涇原路熟戶萬四百七十餘帳之首
領各有職名曹瑋帥本路威令明著常用之以平西羌
其後守將失於撫馭寢成驕黠自元昊反鎮戎軍及渭
州山外皆被侵擾近界熟戶亦遭殺擄蕃族之情最重
酬賽因其釁隙而激怒之可復得其用請遣人募首領
願效用者籍姓名及士馬之數數及千人聽自推有謀
勇者授班行及巡檢職名使將領出境破蕩生戶所獲
財畜官勿檢覈得首級及傷者給賞仍依本族職名遷

補增奉詔如所請慶歷二年知青澗城种世衡奏募蕃兵五千涅右手虎口為忠勇字隸折馬山族言者因請募熟戶給以禁軍廩賜使戍邊悉罷正兵下四路安撫使議環慶路范仲淹言熟戶戀土田護老弱牛羊遇賊力戰可以藩蔽漢戶而不可倚為正兵大率蕃情黠詐畏強凌弱常有以制之則服從可用如倚為正兵必至驕蹇又今蕃部都虞候至副兵馬使奉錢止七百悉無衣廩若長行遽得禁兵奉給則蕃官必生微望況歲罕

見敵何用長與廩給且錢入熟戶蕃部資市羊馬青鹽
轉入河西亦非策也若遇有警旋以金帛募勇猛為便
議遂格治平二年詔陝西四路駐泊鈐轄秦鳳梁定涇
原李若愚環慶王昭明廊延韓則順各管勾本路蕃部
團結強人壯馬預為經畫寇至則老弱各有保存之所
仍諭寔等往來蕃帳受其牒訴伸其屈抑察其反側者
羈縻之勿令猜阻以萌釁隙寔等至蕃部首領稱詔犒
勞齎以金帛籍城砦兵馬計族望大小分隊伍給旗幟

使各繕保壘人置器甲以備調發仍約如今下不集押
隊首領以軍法從事自治平四年以後蕃部族帳益多
而撫御團結之制益密故別附于其後云

秦鳳路砦十三強人四萬一千一百九十四壯馬七千

九百九十一

三陽砦十八門三十四大部族四十三姓
一百八十族總兵馬三千四百六十七○

隴城砦五門五大部族三十四小族三十四姓總兵馬

二千五十四○弓門砦三大門十七部族十七姓十七

小族總兵馬一千七百四○治坊砦二大門二大部族

九姓九小部族總兵馬三百六十○床穰砦二大門二

大部族十一姓十一小族總兵馬一千八百○靜戎砦

門三計大部族十六姓十六小族總兵馬六百二十五

○定西砦四門四大部族十六姓二十八族總兵馬六百○伏羌砦二門二大部族三十二姓三十三小部族總兵馬一千九百九十二○安遠砦二十三門二十三大部族一百二十六姓一百二十六小族總兵馬五千三百五十○來還砦八門八大部族十九姓十九小族總兵馬一千五百七十四○寧遠砦四門四大部族三十六姓三十六小族總兵馬七千四百八十○古渭砦一百七十二門一百七十一姓十二大部族一萬六千九百七十小帳兵七千七百馬一千四百九十

廊延路軍城堡砦十蕃兵一萬四千五百九十五官馬二千三百八十二強人六千五百四十八壯馬八百十

永平砦東路都巡檢所領八族兵一千七百五十四馬四百九○青澗城二族兵四千五百十馬七百三十四

○隴安砦鬼魁等九族兵五百九十九馬一百二十九
○西路德靖砦同都巡檢所領揭家等八族兵一千一
百一十四馬一百五十○定安堡東路都巡檢所領十
六族兵一千九百八十九馬四百六十○保安軍兩族
兵三百六十一馬五十○德靖砦西路同都巡檢所領
二十族兵七千八百五馬八百七十七又小胡等十九
族兵六千九百五十六馬七百二十五○保安軍北都
巡檢所領厥七等九族兵一千四百四十一馬一百六
十七○園林堡兩族兵八百二十二馬九十三○肅
戎軍卡移等八族兵七百四十八馬一百二十三

涇原路鎮砦城堡二十一強人一萬二千四百六十六

壯馬四千五百八十六為一百十甲總五百五隊

新城鎮四

族總兵馬三百四十一為十六隊○截原砦六族總兵
馬五百九十六為六甲二十隊○平安砦十一族總兵

馬二千三百八十四為十甲四十六隊○開邊砦十八族總兵馬一千二百五十四為九甲四十四隊○新門砦十二族總兵馬一千七十三為三甲二十八隊○西壕砦三族總兵馬四百五十四為四甲二十隊○柳泉鎮十二族總兵馬九百八十六為七甲三十一隊○綏宇海寧砦四族總兵馬七百八十八為四十甲三十二隊○靖安砦四族總兵馬一千九百八十二為四甲五十九隊○瓦亭砦四族總兵馬五百九十一為四甲十九隊○安國鎮五族總兵馬六百三十四為五甲二十二隊○耀武鎮一族總兵馬三十二為一隊○新砦兩族總兵馬一百九○東山砦四族總兵馬二百二為四甲九隊○彭陽城三族總兵馬一百八十四為六甲十二隊○德順軍強人三千六百七十六壯馬二千四百八十五為三十六甲一百三十五隊本軍二十一族總兵馬二千五百二為三十六隊○德隆砦七族總兵馬二百五十六為一十七甲十九隊○靜邊砦二十四族

總兵馬一千八百七為三十六隊○水洛城十九族總兵馬一千三百五十四為十九甲三十八隊○通邊砦五族總兵馬一百七十六為三隊

環慶路鎮砦二十八強人三萬一千七百二十三壯馬

三千四百九十五總一千一百八十二隊

安塞砦四族強人三百五

十一壯馬三十為十六隊○洪德砦二族強人二百七十三壯馬五十三為十隊○肅遠砦三族強人一千五百五十九壯馬二百六十三為六十隊○烏崙砦一族強人六百八十四壯馬一百一十八為二十六隊○永和砦旁家一族計六標強人一千二百五十五壯馬二百二為四十四隊○平遠砦六族強人五百四十壯馬八十七為二十七隊○定遠砦六族強人七百四十八壯馬一百一十六為三十隊○合道鎮十四族強人一

千五百六十五壯馬一百八十三為十七隊○水波鎮
十四族強人二千一百六十九壯馬一百九十五為六
十一隊○石昌鎮二族強人四百六十二壯馬三十四
為十七隊○馬領鎮四族強人一千一十六壯馬八十
為二十四隊○團堡隊砦二族強人一千二十二壯馬
一百一十一為三十四隊○荔原堡十三族強人二千二
百二十一壯馬三百九十四為八十二隊○大順城二
十三族強人三千四百九十一壯馬三百十四為一百
四十一隊○柔遠砦十二族強人三千三百八十一壯
馬一千為九十隊○東谷砦十六族強人四百五十九
壯馬五十六為十四隊○西谷砦十族強人一千七百
九十四壯馬一百四十為六十五隊○淮安鎮二十七
族強人四千三百六十八壯馬三百二十一為一百七
十隊○平戎鎮八族強人一千八十五壯馬一百七十
一為四十一隊○五交鎮十族強人一千一百七壯馬
七十三為四十九隊○合水鎮四族強人六百三十一

壯馬九十五為二十四隊○鳳川鎮二十三族強人八百七十五壯馬一百四十三為二十隊○華池鎮三族強人二百六十二壯馬三十八為十二隊○葉樂鎮十七族強人一千一百七十一壯馬六十四為四十六隊○府城砦一族強人二百三十三壯馬五為七隊

治平四年郭達言秦州青雞川蕃部願獻地請於州南牟谷口置城堡募弓箭手以通秦州德順二州之援斷賊入寇之路閏三月收原州九砦蕃官三百八十一人總二百二十九族七千七百三十六帳蕃兵萬人馬千匹是歲罷四路內臣主蕃部者選逐路升朝使臣諳練

蕃情者為之熙寧元年議者謂熟羌乃唐設三使所統之党項也自西夏不臣種落叛散分寓南北為首領者父死子繼兄死弟襲家無正親則又推其旁屬之強者以為族首多或數百雖族首年幼第其本門中婦女之令亦皆信服故國家因其俗以為法其大首領上自刺史下至殿侍並補本族巡檢次首領補軍主指揮使下至十將第受廩給歲久主客族帳混淆莫紀康定中嘗遣將偕籍之今踰三十年主家或以累降失其先職族

首名品而客戶或以功為使臣軍班超處主家之上軍興調發有司惟視職名使號令其部曲而衆心以非主家莫肯為用請自今蕃官身歿秩高者子孫如例降等以為本族巡檢其旁邊能捍賊者給奉遠邊者如舊限以歲月其已降等或三班差使殿侍身歿無等可降者子孫不降充軍主指揮使者即以為殿侍如此則本族蕃官名品常在或其部曲立功當任官者非正親母得為本族巡檢止增其奉其軍主至十將祖父有族帳兵

騎者子孫即承其舊限年受廩給能自立功者不用此
令如此則熟羌之心皆知異日子孫不失舊職世為我
用矣樞密院乃會河東路蕃部承襲不降資秦鳳路降
兩資涇原路蕃官告老以門內人承代亦不降資廊延
環慶路蕃官使臣比類受職蕃官副兵馬使以上元無
奏到之人詔廊延環慶路蕃官本族首領子孫當繼襲
者若都軍主以下之子孫勿降殿侍并差使殿侍之子
孫充都軍主借職奉職之子孫充殿侍侍禁殿直之子

孫充差使殿侍供奉官之子孫補借職承制以下子孫
補奉職其諸司副使以上子孫合繼襲者視漢官遺表
加恩二等奏可二月知青澗城劉憇言所隸歸明號箭
手八指揮凡三千四百餘人馬九百匹連歲不登願以
丹州儲糧振恤詔下其章轉運司行之二年郭達奏蕃
兵必得人以統領之若專迫以嚴刑彼必散走山谷正
兵反受其弊當設六術以用之曰遠斥堠曰擇地利曰
從其所長曰捨其所短曰利誘其心曰戰助其力此用

蕃兵法也詔從之三年宣撫使韓絳言親奉德音以蕃
部子孫承襲者多幼弱不能統衆宜選其族人為衆信
伏者代領其事聖算深遠真得禦邊之要請下諸路帥
臣以詔從事四年詔蕃官殿侍三班差使補職或繇殿
侍遷差使及十二年嘗充巡檢或管幹本族公事或為
蕃官指揮或嘗備守禦之任者總管司以聞特與遷改
五年王韶招納沿邊蕃部自洮河武勝軍以西至蘭州
馬銜山洮岷宕疊等州凡補蕃官首領九百三十二人

首領給殮錢蕃官給奉者四百七十二人月計費錢四百八十餘緡得正兵三萬族長數千六年帝謂輔臣曰洮西香子城之戰官軍貪功有斬巴氐角部蕃兵以效級者人極嗟憤昔李靖分漢蕃兵各為一隊無用衆於紛亂王安石進曰李靖非素拊循蕃部者也故其教法當如此今熙河蕃部既為我用則當稍以漢法治之使久而與漢兵如一武王用微盧彭濮人但為一法今宜令蕃兵稍與漢同與蕃賊異必先錄用其豪傑漸以化

之此用夏變夷之術也帝乃詔王韶議其法帝曰岷河
蕃部族帳甚衆儻撫御咸得其用可以坐制西夏亦所
謂以蠻夷攻蠻夷者也陝西極塞儻會合訓練為用兵
之勢以愼敵人彼必隨而聚兵以應我頻年如此自致
困弊兵法所謂佚能勞之者也安石對曰朝廷當先為
不可勝聚糧積財選兵而已新附之羌厚以爵賞收其
豪傑賜之堅甲利兵以激其氣使人人皆有趨赴之志
待我體強力充鼓行而西將無不可者馮京王珪曰儻

如聖策多方以誤之彼既疲於點集而我無攻取之實
久之必不我應因爾舉兵若蹈無人之境矣帝曰此正
晉人取吳之策也夫欲經營四夷宜無先於此矣帝嘗
謂蕃部未嘗用兵恐以虛名內附臨事不可使安石對
曰剛克柔克所用有宜王韶以為先以恩信結納其人
有強梗不服者乃以殺伐加之大抵蕃部之情視西夏
與中國強弱為向背若中國形勢強附中國為利即不
假殺伐自當堅附矧蕃部之俗既宗貴種又附強國今

用木征貴種等三人又稍以恩信收蕃部則中國形勢
愈強恐不假殺伐而所附蕃部自可制使帝以為然是
時王韶拓熙河地千二百里招附三十餘萬口安石奏
曰今以三十萬之衆漸推文法當即變其夷俗然韶所
募勇敢士九百餘人耕田百頃坊三十餘所蕃部既得
為漢而其俗又賤土貴貨漢人得以貨與蕃部易田蕃
人得貨兩得所欲而田疇墾殖通蕃漢為一其勢易
以調御請令韶如諸路以錢借助收息又捐百餘萬緡

養馬於蕃部且什伍其人獎勸以武藝使其人民富足
士馬強盛奮而使之則所嚮可以有功令蕃部初附如
洪荒之人唯我所御而已七年詔言討平河州叛蕃闢
土甚廣已置弓箭手又以其餘地募蕃兵弓箭手每砦
三指揮或至五指揮每指揮二百五十人給田百畝以
次蕃官二百畝大蕃官三百畝仍募漢弓箭手為隊長
稍衆則補將校暨蕃官同主部族之事其蕃弓箭手並
刺蕃兵字於左耳以防漢兵之盜殺而效首者詔如其

請十一月王中正團結熙河界洮河以西蕃部得正兵三千八十六人正副隊將六十人供贍一萬五千四百三十人八年五月詔李承之參定蕃兵法十一月詔選陝西蕃兵丁壯戶九丁以上取五六取四五取三三取二二取一並年二十以上涅手背毋過五丁每十人置十將一五十人置副兵馬使一百人置軍使一副兵馬使一二百人置軍使一副兵馬使三四百人加軍使一副兵馬使一五百人又加指揮使一副兵馬使一過五

百人每百人加軍使一副兵馬使一即一族三十人已
上亦置副兵馬使一不及二十人止置十將月受奉仍
增給錢指揮使一千五百至十將有差十年樞密院言
陝西河東議立團結蕃部法欲如所奏上手詔曰夏人
所恃以強國者山界部落數萬之衆爾按其地誌朝廷
已據有其半彼用之則并小凌大所向如欲在我則徒
能含撫豢養未嘗得其死力豈惟不能用之又恐其為
患也故小有悖戾有司惟能以利說解之上下相習畏

憚任其縱散久失部勒其近降之法固未可信其必行
然以理言之彼此均有其人而利害遼遠今苟循邊人
衆知其說止於舊法聊改一二則收功疑亦不異往日
徒為紛紛無補於事可再下呂惠卿參詳以聞元豐六
年詔蕃官雖至大使猶處從官小使臣之下朝廷賞功
增秩以為激勸乃爾卑抑則孰知遷官之榮宜定蕃漢
官序位後河東經畧司言蕃官部堡塞兵出戰嘗以漢
官驅策恐不當與漢官序位而兵部請蕃漢非統轄者

乃令序官奏可熙河蘭會路經畧制置使李憲言治蕃
兵置將領法貴簡而易行詳而難犯臣今酌蕃情立法
凡熙河蘭會五郡各置都同總領蕃兵將二人本州諸
部族出戰蕃兵及供贍人馬各置管押蕃兵使臣十人
五郡蕃兵自為一將出戰則以正兵繼之旗幟同色蕃
兵以技藝功勞第為四等蕃官首領推遷如之八月憲
又言漢蕃兵騎雜為一軍語言不通居處飲食悉不便
利昔李靖以蕃落自為一法臣近以蕃兵自為一將釐

漢蕃為兩軍相參號令軍事惟所使焉七年瀘南緣邊
安撫司言羅始党生界八姓各願依七姓十九姓刺充
義軍團結為三十一指揮凡一萬五千六百六十人從
之元祐元年臣僚言涇原路蕃兵人馬凡衆遇臨敵與
正兵錯雜非便詔下其章四路都總管詳議環慶范純
粹言漢蕃兵馬誠不可雜用宜於逐將各選廉勇曉蕃
情者一員專充蕃將令於平日鈴束訓練遇有調發即
令部領為便又言頃兵部議乞蕃漢官非相統轄者並

依官序相壓其城砦等管轄蕃官即依舊在本轄漢官之下詔從其請且諸路蕃官不問官職高卑例在漢官之下所以尊中國制遠人也行之既久忽然更制便與不相統轄之官依品序位即邊上使臣及京職官當在蕃官之下十有八九非人情所能堪蕃部兇驕豈可輒啟宜悉依舊制並序漢官之下從之元符二年三月涇原經畧司言乞將東西路蕃兵將廢罷仍於順便城砦隸屬遂將統領與漢兵相兼差使秦鳳路如之四月環

慶路經畧安撫司言新築定邊城有西夏來投蕃部甚衆欲自今將歸順之人就新城收管給田仍乞選置總領蕃兵正副二員從之

宋史卷一百九十一

宋史卷一百九十一考證

兵志五防秋以八月十五日止十月罷防春以正月十五日止三月罷○通考兩止字俱作上字

宋史卷一百九十一考證

謹案卷一百八十九第十九頁前八行威勇西按
西非州軍之名疑訛

卷一百九十第二十三頁前八行亦可得米三萬
五石按通考五石作五千石



總校官庶吉士 臣 張能照

校對官庶吉士 臣 嚴 福

膳錄監生 臣 陸學稼